


MGA PANGUTANA UG MGA TUBAG MAHITUNGOD SA GENESIS

 Karon, kung aduna ma'y si kinsa dinhi nga adunay mga pangutana nga gusto nilang ipatunol, bueno, ipadangat lang ang mga niini mismo dinhi, ipamalihog sa bata aron maitunol ang mga niini o kung unsa man ang gusto ninyo. O, basin pud, kung mahuman nato . . . ako—aduna ko dinhi og mga unom sa usa ka panid, ug dayon dinhi, aduna kita og duha pa.

² Karon, atong . . . buut natong mahibaloan. Ang hinungdan nga ginabuhat nato kini para hibaloan kung unsa ang anaa sa panghunahuna sa mga tawo, kung unsa ang ilang ginahunahuna. Kita n'yo? Ug mao kana ang nagapahimo nga mamahimong maayo, malig-on ang iglesia. Kinahanglan nga aduna kamo og—og panahon, sama sa panahon nga kinahanglan ninyong sudlayon ang mga cocklebur, kabalo na mo, ug ang tanan-tanan, panangtangan tanan ang—ang mga butang gikan sa agianan para hapsay ka nga makaagi. Busa mao kana ang hinungdan karon nga nagapahigayon kita usahay og buluhaton sa gabii para sa mga pangutana, aron mahibaloan.

³ Karon, kung adunay mga pangutana nga . . . Karon, niining higayonan ginaablihan ko kini, nga medyo mas luag. Ug ingon ko . . . Karon, kanunay kong ginasulti kaniadto, “Karon, kung aduna ma'y . . . bisan unsa nga may kalabutan sa—sa Kasulatan; tubagon nato. Ipangutana lang.” (Salamat, igsoon.) Ug ingon ko, “Bisan unsa nga may kalabutan sa Kasulatan; tubagon.” Kita n'yo, ug tubagon nato kini. Pero karong gabhiona ingon ko . . .

⁴ Kabalo na mo, dayon miduol sila, ingon nila, “Igsoong Bill,” nangutana kanako, “sa hunahuna mo kung—kung—kung si *Ingon niini-ug-ingon niana* nagbuhat sa *niini-niana* nga butang, Cristohanon ba kana?”

⁵ Bueno, medyo pag-atake na kana sa usa ka tawo. Pero ingon ko, “Karong gabhiona gawasnon nilang ipangutana kana.” Kita n'yo, maayo kana. Para mahibaloan nato kung aduna ba'y unsa man nga pag-atake nga gihimo.

⁶ Oh, ako—ako—maanindot kaayo ang gibati ko karong gabhiona. Tibuok hapon kong nanghabas og mga sagbot, busa maanindot kaayo ang gibati ko, ilalum sa init sa adlaw.

⁷ Aduna kita og—og umaabot nga panagtigum nga duol na kaayo, ayaw ninyo kalimti. Sa ikabaynte-tres sa Agosto, didto sa Stadium sa Chicago, hangtud sa ika-lima sa Septyembre. Makalaum kamo og halangdon nga kahigayonan diha sa Ginoo didto. Ug napahibalo na kini sa bisan asa, ug namantala na kini

tanang sa nagkalainlaing mga mantalaan. Ug nagalaum kita og halangdon nga kahigayonan.

⁸ Karon, aduna ko'y usa, duha, tulo, upat, lima, unom, siguro, diha sa usa ka panid dinhi. Ug kining tanang daw sa nagpahinungod ngadto sa mao rang butang, mahitungod sa—sa Libro sa Genesis.

⁹ Karon, ang una maoy Genesis 1:26, o 1:26 hangtud sa 28, kon diin ang—ang tawo adunay. . . nangutana sila kung unsa kini. Unsa—unsa kini nga pangutana. . . buut kong ipasabot, nangutana, diay. Ug gusto nato nga basahon kana una. Ug karon, ila kini nga gisulat dinhi. Kung gusto ninyo nga sundan kini, okey ra. Ang ingon, “Gilalang sa Dios ang tawo, gilalang Niya sila nga lalaki ug babaye.” Kita n'yo? Ug dayon ang sunod nangutana siya sa Genesis, o, ang maong lalaki o babaye, usa ra, ang gipangutana niya bahin sa Genesis 2:7, “Giumol Niya ang tawo gikan sa abog sa yuta.” Mao kana ang ubang bahin. Basahon nako silang tanang, para mahiusa nato kini para gyud makita ninyo. Karon ang una, ang una nga hugna niini, bueno ang ingon:

1. “Gilalang sa Dios ang tawo, lalaki ug babaye. Gilalang ang tawo, lalaki ug babaye.” Karon kana, siguro, ang unang punto. **Karon sa Genesis 2:7, nagsulti kini, “Giumol Niya,”** (gilinyahan) **“pero una gilalang Niya.”** Iya dayon. . . iya kana dayon gibadlisang sa ubos. **“Ug giumol Niya”** (gilinyahan) **“ang tawo gikan sa abog, ug gihuypan ngadto sa mga buho sa iyang ilong,”** ug uban pa. **Karon, unsa man ang kalainan, o asa man ang koneksyon sa naunang kinutlo sa Kasulatan?**

¹⁰ Karon, kini maoy. . . Karon, kung nasulat ninyo kini, Genesis 1:26 hangtud sa 28, ug ang Genesis 2:7. Karon, medyo sensitibo kaayo kini nga butang, ug ako—hinaut nga dili nako. . . aduna lang ko'y kaugalingon nga ideya bahin niini, busa ipahayag ko lang kini kaninyo sa paagi nga gibati nako nga mao gyud kini. Ug kung ugaling ang sa inyo lahi ra, bueno, okey ra gihapon.

¹¹ Gusto kong dayegon si Igsoong Neville sa maanindot nga mga tubag nga gihatag niya niadtong mga pangutana didto. Karon, maanindot ang mga niini.

¹² Karon, dinhi sa, Genesis 1:26, gibuhang sa Dios ang tawo diha sa Kaugalingon Niyang dagway. Ug kung namatikdan ninyo, ablihan nato para mabasa ninyo, ug sa 26. . . Kung gusto ninyo nga magbasa dungan kanamo, malipay kami para sa inyo—para sa inyo nga buhaton kana, susihon n'yo kung husto ako.

Ug miingon ang Dios, Buhaton nato ang tawo sumala sa atong dagway, ingon sa kasama nato: ug magabuot sila sa mga isda sa dagat, . . . sa mga langgam sa kalangitan, . . . sa mga kahayopan, . . . sa yuta, ug sa tanang nga nagakamang nga butang nga nagakamang sa ibabaw sa yuta.

Busa gibuhat sa Dios ang tawo sa iyang kaugalingong dagway, sa dagway sa Dios gilalang niya siya; gilalang niya sila nga lalaki ug babaye.

13 Karon, kana'y . . . Nadungog ko na kana nga gisaysay sa daghang mga higayon, ug lakip sa tibuok kalibutan, mitungaha ang mga diskusyon bahin niana. Karon, sa Genesis 2:7, tan-awa kung unsa ang Iyang gibuhat dinhi. Sige, ania Kini:

Ug . . . Giumol sa Dios ang tawo gikan sa abog sa yuta, ug gihuypan niya sa mga buho sa iyang ilong sa gininhawa sa kinabuhi; ug ang tawo nahimong kalag nga may kinabuhi.

14 Karon, unsa man nga matang sa pagkaumol . . . ? Ang—ang nangutana gustong mangutana pa:

Unsa ma'y koneksiyon niining Genesis 1:26 sa Genesis 2:7? Gilalang sa Dios ang duha ka tawo. Ug kinsa man ang tawo, nga diin . . . Unsa ma'y koneksiyon nga aduna niana? Unsa . . . ? Sa unsa ba nga paagi kini ginakonekta diha sa Kasulatann?

15 Bueno, karon, kung mamatikdan ninyo og ayo karon, diha sa Genesis 1:26, unahon nato ang unang bahin. Miingon ang Dios, “Buhaton Nato.” Karon, “Buhaton Nato,” ang *nato* mao'y . . . “Buhaton Nato ang tawo diha sa Atong Kaugalingong dagway.” *Nato*, siyempre, masayran nato nga nagapakigsulti Siya ngadto sa Kung Kinsa man, nagapakig-estorya Siya ngadto sa usa pa ka Butang nga Buhi. “Buhaton Nato ang tawo diha sa Atong Kaugalingong dagway ingon sa Kasama Nato, ug magabuot sila sa mga kahayopan sa kapatagan.”

16 Kung inyong himatikdan, sa paglalang, ang unang butang nga gilalang, siyempre, mao ang kahayag. Kung sundan ninyo ang maong mga paglalang, ang katapusang butang nga gilalang mao ang unsa? Usa ka lalaki. Ug ang babaye gibuhat pagkahuman sa lalaki. Sige, ang una . . . Ang katapusang butang nga gilalang, sa mga binuhat sa Dios, mao ang tawo.

17 Pero sa dihang gibuhat sa Dios ang Iyang unang tawo, kung inyong matikdan, Gibuhat Niya siya diha sa porma sa Iyang Kaugalingon, gibuhat siya diha sa dagway sa Dios. Ug unsa man ang Dios? Bueno, kung masayran man nato kung unsa ang Dios, masayran nato kung unsa nga matang sa tawo ang Iyang gibuhat.

18 Karon sa San Juan, ang ika-4 nga kapitulo, ug akong . . . basahon n'yo kini, nagapakigsulti si Jesus ngadto sa babaye sa . . . kung gusto ninyo nga balikan kana. Ako . . . ingon nga wala na ko'y panahon, wala na lang nako kini gisulat, gimemorya ko na lang kini. Ug tan-awa n'yo kini karon, pag makita nako kini dayon. Karon magsugod kita sa mga ika-4 nga kapitulo, ug sa ika-14 nga bersekulo:

Ug ang bisan kinsa nga magainom sa niining tubig nga Akong igahatag ngadto kaniya dili na gayud pagauhawon; . . . ug mamahimong mga atabay sa tubod sa tubig nga magatubo ngadto sa kinabuhing dayon.

Ang babaye miingon kaniya, Sir, hatagi ko nianang tubiga, nga ako . . . dili na moanhi pa dinhi aron sa pagkalos.

Si Jesus miingon . . . Lumakaw ka, ug tawga ang imong bana, . . .

Ang babaye mitubag . . .

¹⁹ Nagatoo ko nga kinahanglan natong moabante pa og diyutay niana karon, para makita nato, makita gyud nato kung unsa—kung unsa ang gusto natong makita dinhi. Tingali pud dili, tingali makita nako kini sa ubos dinhi, kung unsa ang gusto nako nga makita. Unsa ang gisulti? Sa ika-23 ug sa ika-24 nga bersekulo. Sige.

Kamo nagasimba . . . (mao na nia) . . . Kamo nagasimba ug inyong wala hiilhi: kami nagasimba sa among hing-ilhan: kay ang kaluwasan nagagikan man sa mga Judio. (ug husto kana, kita n'yo)

Apan ang takna taliabot, . . . Apan ang takna taliabot, ug karon mao na, nga ang tinuod nga mga magsisimba (Judio man ug Gentil) magasimba sa Amahan diha sa espiritu ug sa kamatuoran: kay mao kana ang ginapangita sa Amahan nga mga magsisimba kaniya.

²⁰ Karon, ang sunod nga bersekulo mao kon diin ang pinakapunto ko:

Ang Dios Espiritu: ug ang mga magasimba kaniya kinahanglan managsimba kaniya sa espiritu ug sa kamatuoran.

²¹ Karon, kung gibuhat sa Dios ang tawo diha sa Iyang Kaugalingon nga dagway ug ingon sa Kasama Nato, unsa diay nga matang sa tawo ang Iyang gibuhat? Usa ka espiritu nga tawo. Karon, kung inyong himatikdan, human nga gibuhat Niya ang tanang binuhat, ug gilalang ang usa ka espiritu nga tawo, kung basahon ninyo kini og ayo karon (para sa nangutana niini nga pangutana) makita mo gyud kini, nga gihatagan sa Dios ang tawo og kagamhanan sa kahayopan ug mga kaisdaan ug sa tanan-tanan. Pero, sa pagbuhat Niya didto, gibuhat Niya ang tawo diha sa Iyang Kaugalingong dagway para pangunahan ang mga kahayopan, pangunahan ang mga mananap sa kapatagan, sama sa pagpanguna sa Balaang Espiritu sa magtotoo karon. Kita n'yo?

²² Siya kaniadto, sa ubang pinulongan, si Adan, ang unang tawo sa ubos nga mga binuhat sa Dios. Ang unang binuhat mao ang Dios Mismo; dayon gikan sa Dios migula ang Logos, nga mao

ang Anak sa Dios; dayon gikan sa Logos, nga mao ang Pulong (“Sa sinugdan mao na ang Pulong, ug ang Pulong uban sa Dios, ug ang Pulong maoy Dios. Ug ang Pulong nahimong unod ug nagpuyo ipon kanato.”) gikan sa Logos migula ang—ang tawo.

²³ Oh, aduna ako og maanindot nga paghulagway sulod sa akong hunahuna karon, kung tugotan ninyo nga ubanan ako sa usa ka diyutay’ng biyahe. Nagatoo ko nga nahisgotan ko na kini kaniadto, pero gusto nako dalhon kini sa punto kon diin sigurado gyud nga makita ninyo kini. Karon, mobiyahe kita og diyutay ug mobalik kita sa makadiyut. Bueno, ayaw’g hunahunaa kung unsa ka init dinhi, isentro nato ang atong mga hunahuna mismo kung unsa ang atong hisgotan ug hunahunaa n’yo karon.

²⁴ Balikan nato ang usa ka gatus ka milyon ka tuig sa wala pa’y bitoon, bulan, o bisan unsa sa kalibutan. Bueno, adunay panahon niadto nga wala pa gyu’y bisan unsa dinhi, ang aduna lang gyud mao ang kahangturan ug Eternidad. Ug ang tanan nianang kahangturan ug Eternidad mao ang Dios, didto na Siya sa sinugdanan.

²⁵ Bueno, manambo kita dinhi niining tamboanan ug lantawa ug tan-awa kining mga nagakahitabo na nga mga butang.

²⁶ Karon, “Walay tawo nga nakakita sa Amahan sa bisan unsang panahon.” Walay tawo nga mahimong makakita sa Dios diha sa lawasong porma, tungod kay ang Dios wala man sa lawas nga porma, ang Dios usa ka Espiritu. Kita n’yo? Sige. “Walay tawo nga nakakita sa Amahan, kondili ang bugtong Anak sa Amahan ang nagpaila Kaniya,” Unang... Juan, kita n’yo.

²⁷ Karon, pero matikdi karon, wala gyu’y bisan unsa man kaniadto, aduna lamang og kawanangan. Walay kahayag, walay kangitngit, wala gyu’y bisan unsa, medyo wala gyud bisan unsa. Pero diha adunay usa ka gamhanang supernatural nga Persona, si Jehovah nga Dios, Nga naglangkob sa tanang kawanangan sa tanang dapit sa tanang panahon. Siya’y gikan pa sa walay-sinugdanan hangtud sa walay-katapusan, Siya mao ang sinugdan sa kabuhatan. Kana ang Dios. Wala ka’y makita og bisan unsa man, wala ka’y madungog og bisan unsa, wala ni usa man lang ka lihok sa usa ka atom diha sa hangin, wala gayud, wala ni hangin, wala gyud ni bisan unsa, pero sa gihapon ang Dios atua na didto. Ingon niana ang Dios. (Karon tan-awon nato sa pipila ka minuto, ug pagkahuman...) Walay tawo nga nakakita Niana, karon, Kana ang Amahan. Kana ang Dios, ang Amahan.

²⁸ Karon matikdi. Dayon pagkataudtaud hinayhinay akong nakakita og gamay’ng sagradong Kahayag nga nagsugod sa pagporma, sama sa gamay’ng halo o ingon niana, makita n’yo lamang kini pinaagi sa espirituhanong mga mata.

²⁹ Pero tan-awa karon, samtang nagatan-aw kita, ang tibuok nga iglesia karon. Nagatindog kita diha sa dakung tamboanan, nagalantaw sa kung unsa ang ginabuhat sa Dios. Ug moadto kita unya niining pangutanan dinhi ug makita ninyo kung sa unsang paagi Niya kini gisugdan.

³⁰ Karon, walay usa nga nakakita sa Dios. Ug karon, ang sunod nga butang nga atong sugdan nga makita, gamit ang mga mata sa supernatural nga pagtan-aw, makita nato ang usa ka gamay'ng puti nga Kahayag nga nagakaporma na didto. Unsa man kana? Gitawag kana, sa mga magbabasa sa Biblia og, "Logos," o "ang dinihogan," o "ang pagdihog," o ang. . . samtang akong isulti, ang—ang bahin sa Dios nga sugod nagakaporma ngadto sa usa ka butang aron magkaaduna ang mga tawo og usa ka matang sa ideya kung unsa Kadto. Usa kadto ka gamay'ng, mahinay. . . usa ka gamay'ng Kahayag, nga nagalihok. Siya. . . Ang Pulong kadto sa Dios.

³¹ Karon, gipakatawo sa Dios ang Iyang Kaugalingon ngadto niining Anak nga wala pa gani kaniadto ni usa ka atom diha sa. . . o hangin para mahimo ang usa ka atom. Kadto mao'y. . . Kita n'yo, miingon si Jesus, "Himayaa Ako, Amahan, uban sa himaya nga aduna Kita sa wala pa ang pagkatukod sa kalibutan." Kita n'yo, dugay na kaayo kaniadto.

³² Karon, sa San Juan 1, miingon Siya, "Sa sinugdan mao na ang Pulong." Ug ang una. . . "Ug ang Pulong Dios. Ug ang Pulong nahimong unod ug nagpuyo ipon kanato." Ang Dios nga ginapadayag ang Iyang Kaugalingon, ngadto sa tawo. Karon bantayi kung giunsa Niya pagbuhat niini.

³³ Karon, didto, kaniadto, sa pagtungha niini nga halo. Karon, wala man kita og unsa man nga makita pa, pero pinaagi sa mga mata lang gyud nga supernatural makita nato ang usa ka halo didto. Karon, mao kana ang Anak sa Dios, ang Logos. Karon, makita nako Siya nga nagadula-dula sama sa usa ka gamay'ng bata, atubangan sa pultahan sa Amahan, uban sa tibuok nga Eternidad. Kita n'yo? Ug, karon, dayon diha sa Iyang imaginary nga porma nagsugod Siya sa paghunahuna sa kung unsa ang mga butang, ug madungog ko Siya nga nagasulti, "Magkaadunay kahayag."

³⁴ Ug pagkasulti Niya, usa ka atom ang nibuto ug mitungha ang adlaw. Nagtuyoktuyok kini sulod sa gatusan ka minilyon ka tuig, nga nagaporma og nagabagang mga tinipak, ug nagadilaab, ug naporma nga sama sa kung unsa na kini karon; nagabaga sa gihapon, nagabungkag sa gihapon og mga atom. Kung ugaling buhian na ang bomba atomika, ang sunod-sunod nga atomikong pagbuto maoy. . . kining kalibutan mahisama gayud sa adlaw, didto, nga manggibuto ug mobusikad. Kung makatindog pa kamo didto sa ubang kontinente ug lantawon kini, mora gyud kini og usa pa ka adlaw, kon diin ginasunog sa mga

atomiko kining kalibutan, pagmobusikad na ang sunod-sunod nga pagbuto niini ug magsugod kini og tuyok, manggituyok-tuyok nga ingon niana. Minilyon ug minilyon ka milya ang abton sa niining dagkung mga kalayo nga binilyon ka Parenhayt ang temperatura, tungod sa—sa—sa kainit nga nagagawas nianang adlaw.

³⁵ Karon, bantayi kini karon. Maanindot gyud! Karon, gibuhat Niya ang adlaw. Ug dayon, mahibaloan mo na lang, usa ka daku nga nagabagang-tinipak ang nahulog gikan niini, nga motimbang og halos. . . halos sama niining kalibutan, nga “Gibuga!” Dayon kini nga Logos niadtong higayona, ang Anak sa Dios, nagatan-aw niini, Gipasagdan Niya nga mahulog kini sulod sa usa ka gatus ka milyon ka tuig ug gipahunong Niya kini. Dayon adunay usa pa nga milupad, ug gipasagdan Niya kini nga (molupad) nga mahulog sulod sa minilyon ka tuig, dayon gipahunong Niya kini. Karon, nagatindog kita, nagatan-aw niini nga mitungha na.

³⁶ Karon, aduna Siya’y butang diha sa Iyang hunahuna, ug unsay Iyang ginabuhat? Ginasulat na Niya ang Iyang unang Biblia. Ang unang Biblia nga mabasa sa tawo mao kadto ang mga bitoon, ang zodiac. Ug usa kini ka hingpit nga. . . maoy. . . nagakatakdo Kini mismo sa niini nga Biblia dinhi. Ang sugod Niini, ang una sa zodiac mao ang ulay. Husto ba kana? Unsa man ang kaulahian sa zodiac? Leo, ang leon. Kana ang unang Pag-anhi ni Jesus, mianhi Siya pinaagi sa usa ka ulay; ang ikaduha, nagaanhi Siya ingon nga Leon sa banay ni Juda. Kita n’yo? Gidrowing kini tanan, ang kapanahonang kanser, ug tanan nang uban pa. Karon, giplastar Niya kana tanan diha sa kawanangan ug gipahimutang kini dinha. Kining tanan nga mga bulalakaw, mga tipak sa kalibutan, o adlaw, atua nanagbitay dinha.

³⁷ Karon, sa dihang gituki sa siyensiya kadtong mga missile nga nangahulog, wala kana nagapanghimakak mahitungod sa Dios, mas nagapamatuod pa gani kana para kanako. Kita n’yo, mas ginapahimo pa gani niana nga tinuod gyud kini. Karon, karon matikdi ninyo, ang tanan niining mga missile nga nagbitay dinha sa kawanangan nga halayo sa nianang mainit nga adlaw, ug nga ginahuyop-huyop sa hangin, siyempre, nagkatipun-g ang mga niini. Ug mahibaloan mo na lang, nagsugod na kadto pagtapok nga mora na’g iceberg.

³⁸ Bueno, mao kadto ang pagtungaha niining kalibutan, nga usa ra ka dakung tipak sa agiw nga naglupad-lupad didto. Sa ilalum niini walay lain kondili usa mismo ka nagatuyok-tuyok, bug-os nga, nagadilaab nga bulkan, mao nga moabot bisan asa ang mga pagbuto, sa mga bulkan. Ug ginapamahayag sa siyensiya nga—nga kini nga kalibutan, ang gawas nga bahin sa ibabaw niini, kon diin kita nagpuyo, sama lamang kini sa panit sa usa ka mansanas. Ug ang tanang. . . Karon, adunay mga baynte-singko ka libo ka milya, siguro mokabat sa walo ka libo ka milya (nga

ginabana-bana nga walo ka libo ka milya) ang kabaga niini. Ug hunahuna lang ninyo, sa sulod niini, usa ka nagakalayo nga mga bulkan.

³⁹ Ug duha-sa-tulo nga bahin sa yuta, sobra pa sa duha-sa-tulo ka bahin niini, anaa sa tubig; ug usa-sa-tulo ka bahin niini maoy yuta, mga usa-sa-tulo. Ug kining manipis, kining taklap ibabaw sa yuta nga atong ginapuy-an, puno na kini og makatalagmanong mga butang nga puedeng mobuto, sama sa gas, gasolina, petrolyo, og tanan na. Husto ba kana? Ug ang duha-sa-tulo nga bahin niini, mas sobra pa gani kay sa duha-sa-tulo niini, maoy tubig. Unsa man ang pormula sa tubig? Duha ka bahin niini hydrogen ug usa ka bahin sa oxygen, mga mabutohon.

⁴⁰ Adunay igong elektrisidad sa matag lawak para ihimulag ang init gikan sa tugnaw, ug makahimo pud kini og igong elektrisidad para pabuthan ang usa ka lawak. Mahimo kang magbutang og igong mga atom diha sa bola sa golf aron hanawon ang New York sa nawong sa yuta. Ug dayon ang tawo, nga nagpuyo ibabaw ra sa kulon sa impiyerno, gihapak ang iyang kaugalingon diha sa dughan ug ginahagit ang Pulong sa Dios, ug nagaingon, “Wala ma’y ingon niana nga lugar sama sa impiyerno.” (Duna ko’y gamayn’g gisulat bahin niana, ug atong hisgotan kana sa makadiyut, kita n’yo.) Ania kamo nagapuyo adlaw-adlaw sa ibabaw niining dakung kolon. Ug samtang ania kamo dinhi nagapuyo ibabaw niini, ang impiyerno anaa ra ilalum kaninyo.

⁴¹ Ug karon, matikdi ninyo, pero karon sa dihang una kini nga nakaplagan, sa dihang si Jesus . . . Karon tan-awa n’yo didto ang halo. Karon makita ko na Kini nga mibalhin nganhi sa yuta ug nagpaibabaw niini ug gisugdan nga ipaduol ang kalibutan ngadto sa adlaw. Kini walay lain kondili usa pa kaniadto ka dakung bola sa yelo. Ug sa dihang nagasugod na kini sa pagkatunaw, dayon ang halapad nga mga glacier nagsugod sa pagkasip-ak didto sa mga amihanang-yuta ug mipaubos. Ug sa dihang nahitabo kadto, milatas kini hangtud Kansas ug Texas ug ang tanang mga lugar didto, ug midiretso ngadto sa Gulf sa Mexico. Ug mahibaloan mo na lang, ang tibuok lugar natabonan na sa tubig.

⁴² Dayon, karon ablihan nato ang Genesis 1, ablihan nato ang Biblia karon, ug makuha nato ang paghulagway diha sa Biblia. Genesis 1, “Ang kalibutan awaaw, ug walay sulod; ug ang tubig anaa sa tibuok nawong sa kahiladman.” Husto ba kana? “Ug ang Espiritu sa Dios naglihok sa ibabaw niadtong tubig.” Karon, gihimulag Niya ang tubig, gipatungha ang mga bungtod ug ang mga kayutaan ug uban pa; gipamala kini. Ang mga tanum ug ang tanan, gibuhat Niya. Ug gibuhat Niya ang bulan. Ug nagbutang Siya og mga utlanan niini, sa dagat, para dili kini makagawas.

43 Giplastar Niya tanan kadto nga mga butang, gibuhat . . . ? . . . Gibuhat ang tanang uban pang mga butang, ang tanang mga mananap, ang mga kalanggaman, ang mga putyokan, ang mga unggoy, ug unsa man kadto, gibutang tanan dinhi sa yuta. Ug dayon nangutana Siya sa niini nga pangutana karon. “Buhaton nato” (Kinsa man? Amahan ug Anak) “buhaton ang tawo diha sa Atong Kaugalingon nga dagway.”

44 Karon, kung ang tawo gibuhat nga sama nianang gamay’ng sagradong Kahayag didto, o usa ka butang nga sama niana, siguradong dili gyud Kini makita (ingon nga usa ka espirituhanong Persona). Iyang mas gipadayag pa og diyutay o nahipadayag ang Iyang Kaugalingon, para maghimo og trinidad sa Iyang Kaugalingon pinaagi sa Amahan, Anak, ug Balaang Espiritu. Ug ania ang Dios, ang Iyang Kaugalingon nga nahipadayag na, ngadto sa “buhaton Nato ang tawo,” nga mao ang Iyang anak, usa ka kaliwat gikan Kaniya, “ang tawo diha sa Atong Kaugalingon nga dagway,” siya’y usa ka supernatural nga binuhat. “Ug magabuot siya sa mga kahayopan sa kapatagan, ug uban pa.”

45 Karon, ang tawo gipangunahan sa tawo . . . gipangunahan ang—ang kahayopan ug ang tanan-tanan, sama ra sa Balaang Espiritu nga ginapangunahan ang usa ka matuod, tinuod nga magtotoo sa karon. Ang Tingog sa Dios kaniadto . . . Ang tingog sa tawo, diay, makasulti ug moingon . . . tawgon ang baka ngadto *niini* nga dapit, tawgon ang karnero ngadto *niini* nga sibsibanan, tawgon ang mga kaisdaan ngadto *niini* nga tubig. Kita n’yo, aduna siya’y kamandoan, ang tanan nagtuman kaniya.

46 Karon, pero niadtong panahona walay tawo nga motikad sa yuta, Genesis 2, walay tawo nga motikad sa yuta. “Ug dayong giumol sa Dios ang tawo” (Genesis 2:7) “gikan sa abog sa yuta.” Karon gisunod Niya . . . giumol Niya ang tawo gikan sa abog sa yuta, ug gibutang kini nga supernatural nga Espiritu . . .

47 Karon, atua na ang tawo didto. Mahunahuna ko kini sa daghang paagi. Makita ko si Adan nga nagatindog . . . Ingnon lang nato sa *niini* nga paagi, makita ko siya nga nagatindog sama sa usa ka kahoy. Ang Dios nagbuhat kaniya. Ingon niadto siya ka patay; ang iyang mga tudlo sa tiil, sama na sa mga gamot, naugbok na diha sa yuta. Ug miingon ang Dios, “Magkaadunay,” o gihuypan siya og gininhawa sa kinabuhi, ug milukso siya, siya’y naulian. Siya usa na ka . . . Gihuypan siya og gininhawa sa kinabuhi, nahimo siyang buhi nga kalag. Karon, ug sugod na siya nga milihok, og milihok.

48 Ug dayon mikuha ang Dios gikan sa kilid sa lalaki og usa ka bahin sa lalaki, usa ka gusok, ug gibuhat kini nga usa ka babaye. Karon, asa man Niya gikuha ang espiritu, sa babaye? Kita n’yo? Sa dihang Siya . . . Genesis 1:26, miingon Siya, “Buhaton nato ang tawo diha sa Atong Kaugalingon nga dagway, ingon sa

Kasama Nato—Kasama Nato, gilalang Niya sila (ang tawo) lalaki ug babaye.” Gibuhat Niya ang laken-on nga espiritu para sa lalaki; gibuhat Niya ang malumo, maluming, medyo-huyang, bayen-on nga espiritu para sa babaye.

⁴⁹ Ug sa dihang makakita ka og usa ka babaye nga nagapanglihok sama sa usa ka lalaki, wala siya sa iyang lugar, nakita n’yo, pinasikad sa sinugdanan. Kita n’yo? Sige. Siya angay unta. . . Sa tan-aw ko makauulaw nga ang mga babaye nawad-an na sa ilang pagkamaluming, pagkababaye nga puwesto. Makauulaw kana. Sultihan ko kamo, ingon gyud niana. Kini’y. . . Kabalo na mo, isulti ko gyud kana. Bueno, wala ko maghisgot bahin kaninyong mga babaye dinhi. Pero, siyempre, kung masakit man, masakit gyud kini. Pero, tan-awa, pangutan-on ko kamo og usa ka butang. Ang mga babaye kaniadto labi ka babayen-on gayud hangtud nga kung estoryahon sila sa usa ka lalaki maulaw og mamula gayud. Huh! Unsa na man diay ang pagpamula, karon? Dugay nga wala na ako makakita niini nga dili na gani ko mahibalo kung unsa kini kung adunay babaye nga maulaw’g mamula. Wala na sila og ingon niana nga dignidad, og tanan na nianang maayong babayen-on nga espiritu. Sila gayu’y. . . Mahimo na nilang. . . Mosul-ob na sila’g mga bisti nga sama sa lalaki, magpapatol sa ilang mga buhok sama sa lalaki, manigarilyo nga sama sa lalaki, mag-inum-inum sama sa lalaki, mamalikas sama sa lalaki, magbotar sama sa lalaki, magtrabaho sama sa lalaki, mao nga, nahimo na silang mabagison, laken-on. Oh, grabe! Nagapakita kana kung unsa na’y nadangtan ninyo. Eksakto kana.

⁵⁰ Kanang pagka-gining, dili na ninyo makita nga ingon niana siya, malisud na pangitaon ang ingon niana nga babaye. Husto ba kana? Oo, kana ang kamatuoran. Mao nga ang babaye dili angayn’g motindog ug molihok nga sama sa lalaki, maskulado ug laken-on, tungod kay maluming man ang babaye. Gibuhat siya sa Dios nga ingon niana. Mahimo kong pamatud-an kana pinaagi sa mga Kasulatan. Oo, sir. Husto kana. Ug. . .

⁵¹ Pero, siyempre, mitipas hinoon kita niining pangutana, pero dili ko gusto nga mopalayo pa og ayo sa niini nga pangutana. Pero, kita n’yo, didto kon diin gibuhat Niya ang Iyang unang tawo, diha sa Iyang Kaugalingon nga dagway.

⁵² Ug dayon, ang Dios, sa wala pa magkaaduna og usa ka bitoon, nasayran na kung unsay mamahimong itsura niining kalibutan. Ug nasayod na Siya nga ako mamahimong si William Branham nga magawali sa Ebanghelyo gikan sa pulpito ug kamo’y mamahimong si *John Doe* nga magalingkod mismo dinha nga magapaminaw Niini, sa wala pa kaniadto nagsugod ang kalibutan. Alleluyah!

⁵³ Karon, dinha usahay ang mga tawo, diha sa—sa mga legalista ug mga Calvinista, dinha sila nagakalibog. Kita n’yo? Moingon

silá, “Ngano nga ang uban gikatagana na ngadto sa kalaglagaan?” Dili man buot sa Dios nga may si bisan kinsa nga mahanaw. Dili Niya gusto nga adunay tawo nga mahanaw, apan bisan pa niana, ingon nga Dios, kabalo Siya nga adunay uban nga dili gayud modawat Niini. Kita n’yo? Kita n’yo, aduna Siya’y... Kinahanglan gyud nga hingsayran na Niya ang katapusan gikan sa sinugdanan aron mamahimong Dios. Dili ba?

⁵⁴ Busa hingsayran na Niya nga magkaaduna Siya og mga babaye, busa gibuhát na Niya daan ang ilang espiritu. Ang ingon sa Biblia nga gibuhát Niya, diha sa 1, Genesis 1:26, “Gibuhát Niya siya, ang lalaki,” nga gihulagway-nang-daan, “nga lalaki ug babaye.” Amen. Kita n’yo? Diha sa usa ka paghulagway daan, gibuhát Niya ang babaye ug ang lalaki sa wala pa sila giomol gikan sa abog sa yuta.

⁵⁵ Ug dayon giomol sa Dios ang tawo, dili sa Iyang Kaugalingong dagway. Kini nga lawas wala gibuhát sa dagway sa Dios, kini nga lawas gibuhát sa dagway sa mga mananap.

⁵⁶ Mahimo ba nako huboon ang akong amerikana? Mainit na dinhi. Bisán nga nagsul-ob ko og gisi nga kamiseta, pero dili ninyo amatikdan kana. Gisultihan ko sa akong asawa nga wala nakaanhi si Jesse para kuhaon nato ang mga labhonon, mao nga... Pero, tan-awa ninyo, ania kita sa hilisgotan dinhi karon nga mas mahinungdanon pa kay sa gisi nga kamiseta dinhi sa pulpito. Dili ba? Nagakahulogan kini’g Kinabuhing Walay Katapusan.

⁵⁷ Karon, himatikdi ninyo ang tawo. Hingsayran na sa Dios sa sinugdanan nga magkaaduna Siya og mga lalaki ug mga babaye, ug hingsayran na Niya nga moanhi ang Manluluwas ug kinahanglan Niya nga ipaanhi si Jesus, ug igalansang Siya. Ug gisultihan ni Jesus ang mga tinun-an, sa dinhi pa Siya sa yuta, nga Iya nang “kaila sila sa wala pa ang pagkatukod sa kalibutan,” sa wala pa mitungha ang kalibutan.

⁵⁸ Ug miingon ang Dios, usab, o si Pablo ang nagsulti, diha sa Mga Taga-Galacia, nagsulti nga “Iya na kita gibut-an-nang-daan ug gitawag kita diha Kaniya sa wala pa naporma ang kalibutan.” Hunahunaa ninyo kana! Nga ang Dios... Aduna ba’y gustong makadungog kung unsay gisulti sa Kasulatan mahitungod niana, ipataas ang inyong mga kamot. Tukma gyud kini sa pangutana. Mag-abli mo uban nako sa Mga Taga-Galacia, ang unang kapitulo. Tan-awa ninyo dinhi. Dili nako buot pasabot nga sa Mga Taga-Galacia, ang buot kong ipasabot diay sa Mga Taga-Efeso. Paminaw mo og ayo kung unsay gisulti sa Dios, Mga Taga-Efeso 1:

Si Pablo, nga apostol ni Jesus Cristo pinaagi sa kabubut-on sa Dios, nganha sa mga balaan nga aana sa Efeso, ug kasaligan usab diha kang Jesus Cristo.

Ang grasya maanaa kaninyo, ug ang kalinaw, nga gikan sa Dios ang Amahan, ug gikan sa Ginoong Jesus Cristo.

Dalaygon ang Dios ug Amahan sa atong Ginoong Jesus Cristo, nga maoy nagpanalangin kanato sa tanang panalangin nga espirituhanon sa langitnong mga dapit diha kang Cristo Jesus:

59 Karon, ania na, matikdi:

Ingon nga siya maoy nagpili kanato diha kaniya sa wala pa ang mga pagkatukod sa kalibutan, . . . (whew!)

60 Maanindot kana. Dili ba? Dili lang kana maanindot, maayo gyud kaayo! Sa wala pa ang pagkatukod sa kalibutan, nailhan na sa Dios si Orman Neville ug hingsayran na nga siya magawali sa Ebanghelyo. Dili ba pagkaanindot niana? “Nagpili . . .” Aba, miyembro gyud siya sa Iglesia, ug hingsayran na sa Dios nga magkaaduna Siya og ingon niana nga Iglesia. Ug siya miingon, si Pablo nga nagasulti ngadto sa iglesia sa Efeso, miingon, “Siya nagpili kanato diha Kaniya.” Bueno, kitang tanan nga miyembro sa Lawas ni Cristo. Husto ba kana? Ug ang Dios, sa wala pa naporma ang kalibutan, nagpili na kanimo ug kanako diha Kaniya sa wala pa naporma ang kalibutan. Whew! Grabe! Dili ba pagkaanindot niana?

61 Karon, ang unang tawo, bueno, gibuhat Niya ang unang tawo sa *Iyang* dagway, ug nagabalik na kita sa niana nga dagway, husto kana, ngadto sa una natong dagway nga pagkabuhat mismo.

62 Sa dihang gibuhat ako sa Dios, William Branham, atua na ako sa wala pa ang pagkatukod sa kalibutan, gibuhat na Niya ang akong pagkatawo, ang akong espiritu. Wala pa lang hinoon ko’y hingsayran og bisan unsa man kutob sa akong nahibaloan, pero ang . . . atua na ako didto. Oh, ako—wala ako nagatoo nga nakuha n’yo kini. Pero karon, kadali lang, gisultihan ni Jesus ang mga tinun-an nga Iya na “naila sila sa wala pa ang pagkatukod sa kalibutan,” ug si Pablo miingon dinhi nga “Siya nagpili kanato diha Kaniya sa wala pa magsugod ang kalibutan.” Karon, adunay bahin kanako, si Orman Neville, ug ang uban pa kaninyo dinhi, nga atua na kang Cristo Jesus sa wala pa magsugod ang kalibutan. Ug ania ang akong pag-analisar niana. Sa tan-aw ko ang mga tawo karon nga aduna niini nga Espiritu, o espiritu, kabahin sa niining mga anghel, mga espiritu nga minggula gikan sa Dios, nga wala gayud mahulog sa sinugdanan ug misukol pa gani sa bakak sa yawa didto sa Langit.

63 Ug duha-sa-tulo ka bahin sa yuta anaa sa sala, ug labaw pa niana, nga duha-sa-tulo ka bahin kaniadto sa mga anghel gipalagpot. Ug kadtong mga espiritu sa demonyo misulod ngadto sa mga tawo ug nanggipuyo sa ilang lawas. Nakita n’yo ba ang buut kong ipasabot? Mga demonyo sila nga kaniadto . . . nga mga

buhi kaniadto ug sila misulod ngadto sa mga tawo ug naghatag kanila og ilang kinaiyahan. Gihinginlan ni Jesus ang pito kanila kaniadto gikan kang Maria Magdalena. Garbo, pagkahambog (mapahitas-on nga mga tawo, nakita n'yo), mahugaw, kalaw-ayan, kabastosan, pakig-indigay, pagpalabawlabaw. Tanan na nianang mga butang, kita n'yo.

⁶⁴ Sila nga mga espiritu gipangbuhat kaniadto sa diha nga ang Dios nagsugod sa pagbuhat sa tawo gikan didto sa Iyang Kaugalingong dagway. Gibuhat Niya usab kadtong supernatural nga mga binuhat, kadtong mga espiritu.

⁶⁵ Ug dayon giuol Niya ang tawo sa abog sa yuta, nga mao ang unang tawo, si Adan. Ug kana nga tawo gibuhat sa dagway, kini nga tawo dinhi, gibuhat sumala sa dagway sa usa ka mananap. Kini nga mga lawas sa tawo gibuhat diha sa dagway sa mga mananap.

⁶⁶ Mao nga aduna kita og kamot nga susama sa unggoy, ug—ug adunay till nga sama sa oso. Pagkuha og usa ka gamay nga nating oso, panitan kini, paknita ang panit gikan niini ug ibutang abay sa gamay'ng batang babaye ug tan-awa ang kalainan. Huh! Igsoon, kinahanglan mo gyud sud-ongon og ayo. Ang tibuuk diaphragm, ang itsura, halos magkapareho gyud, ang paagi sa pagkagama ug ang porma pud niini, ug ang tanan eksaktong-eksakto. Pareho gyud sa dagway sa mga mananap tungod kay gibuhat man siya sumala sa matang sa usa ka mananap, tungod kay iya man kanang katungdanan nga pangulohan ang mga mananap.

⁶⁷ Ug kung kuhaon ninyo ang Balaang Espiritu gikan sa usa ka tawo, siya'y mas ubos pa kay sa mananap, siya'y mas dautan pa kay sa mananap. Mabug-at man nga isulti. Pero tan-awa n'yo ang usa ka tawo nga ang iyang hunahuna wala-mabag-o, nga walay Balaang Espiritu aron mogiya sa iyang mga hunahuna, ug—ug ingon niana nga mga butang, ibalibag gyud niya ang bata gikan sa mga bukton sa inahan ug lugoson niya kini tungod sa hayopnon nga kaulag. Mao gyud naa.

⁶⁸ Ug ang usa ka dili-maayo nga babaye. Tan-awa n'yo na lang ang usa ka tigulang nga anayan nga baboy o tigulang nga iro, ginahatagan gani nato kini og tanan na nga matang sa pagbansag. . . Pero kung sa iyang moralidad ginabuhat niya lang kana aron magkaaduna siya og iyang mga itoy, ug mao pud ang anay sa iyang mga baktin, pero ang dautang walay pulos nga babaye maoy sama lang. . . kalaw-ayan lang sa tanang panahon. Husto kana. Busa hinumdomi ninyo, nga kamo. . . kung wala'y Cristo, ang inyong moralidad. . . mahimong mohagsa nga ubos pa sa iro. Husto kana.

⁶⁹ Dili kinahanglan sa iro nga magsul-ob og mga sinina para matabonan ang iyahang kaugalingon, ni ang ubang mananap. Ang tawo man kaniadto ang nahulog, dili ang mananap. Pero,

ang kinabuhi sa mananap ingon nga napailalum man sa tawo (sa kinabuhi sa tawo), napailalum kini ngadto kaniya tungod kay ang tawo man ang iyang magtutoltol ug ang iyang kinatasan nga pangulo. Ug ang matag mananap sa kapatagan may kahadlok sa tawo.

⁷⁰ Adunay nangutana kanako, usa ka higayon, mahitungod sa pagpangayam, “Nahadlok ka ba niini?” Aba, ang tanang mananap nga sukad nabuhat may kahadlok sa tawo, tungod kay ingon niana na kini gikan pa sa sinugdanan. Kita n’yo? Ingon niana gyud. Kung modagan ka gukdon ka niya, husto gyud kana, pero, ang iro o ang unsa man nga mananap ninyo. Oo.

⁷¹ Pero bueno, matikdi karon, kana nga tawo sa pag-anhi niya dinhi. . . Karon tan-awa, dinhi. . . Moingon kamo, “Bueno, unsa na man kana karon, Igsoong Branham?”

⁷² Karon, dinhi makita gyud ninyo ang Dios, ug tali sa Oneness ug sa Trinity makita gyud ninyo kini karon. Karon tan-awa! Sa dihang mikanaug ang Dios, gipadayag ang Iyang Kaugalingon, gipadayag ang Iyang Kaugalingon mismo hangtud sa mikanaug Siya sa niining tawo. Karon, nakasala ang tawo dili sa iyang espiritu, kondili diha sa iyang lawas, kailibgon, pangibog. Dayon sa dihang nakasala siya, iyang gihimulag ang kaugalingon niya gikan sa iyang Magbubuhat. Ug dayon ang Dios, ang Logos, ang mismong Magbubuhat niya, mikanaug ug nahimo diha sa dagway sa tawo. Gibuhat ang tawo diha sa dagway sa Dios, ug dayon gibuhat siya diha sa dagway sa mananap, ug nahulog siya. Ug mikanaug ang Dios diha sa dagway sa tawo, diha sa Tawong si Cristo Jesus, para mag-antus og kasakit. Dili man posibli nga ang Dios mag-antus og kasakit diha sa Espiritu. Unsaon man Niya pag-antus og pisikal nga kasakit diha sa Espiritu? Dili Niya kini mahimo. Mao nga ang Dios hingpadayag sa Iyang Kaugalingon ug nahimo diha sa dagway sa tawo, para tuboson ang tawo nga nawala. Kita n’yo?

⁷³ Ug dayon ang Dios nag-antus na diha sa unod. Unang Timoteo 3:16, “Dili malalis,” kana ang argumento, “nga daku ang tinago sa pagkadiosnon. Kay ang Dios gipadayag diha sa unod, nakit-an sa mga manulonda, giwali, ngadto sa Gent- . . . ug gitooan, ug misaka ngadto sa tuo nga kamot sa Amahan.” Husto ba kana? Ang Dios Mismo mikanaug ug nagpuyo sa tawhanong lawas ug miagi sa tentasyon. “Ang Dios diha kang Cristo, nga nagapasig-uli sa kalibutan ngadto sa Iyang Kaugalingon.” Nakita na ninyo kung unsa ang gugma? Ang dakung Gugma sa Dios!

⁷⁴ Bueno, karon, sa hunahuna ko kana ang magpatin-aw niana, sa *lalaki* ug *babaye*. Karon, ang babaye maoy. . . Tugoti nga ipatin-aw nako kini mismo karon, para makita ninyo kini, kita n’yo. Ang babaye magpasakup ngadto sa iyang bana. Ug nagsulti niana ang Biblia “Ang lalaki kinahanglang magabuot sa iyang

asawa.” Pero grabe ang pag-usab nila niana! Ang babaye na ang nagabuot sa lalaki, “Bueno, magpabilin ka sa balay, John! Dili ka molakaw!” Ug mao na kana, “Oo, palangga.” Kita n’yo?

⁷⁵ Pero sultihan ta ka og usa ka butang, mister. Ikaw ang kinahanglan manubag para sa imong asawa, pero ang imong asawa dili kinahanglan manubag para sa imo. Ikaw man ang ulo sa babaye, ug ang Dios mao ang ulo sa lalaki. Busa nagsulti Siya, “Angay nga ipaputol sa lalaki ang iyang buhok tungod kang Cristo. Ug kinahanglan ang babaye magpatubo sa iyang buhok, kay kung magpapatol siya sa iyang buhok nagapakaulaw siya sa iyang bana.” Kita n’yo? Nakita ba ninyo kung unsa ang buut kong ipasabot pinaagi sa kung unsa ang ginasulti sa Kasulatan?

⁷⁶ Nakadawat ko niining usa ka seryosong pangutana, sa miaging adlaw didto sa Shreveport. Gihisgotan nila ang mahitungod sa mga babaye, ug kung kinahanglan ba magpatubo og taas nga buhok ang mga babaye. Ug ang ingon ko, “Ang babaye nga magpapatol sa iyang buhok, ang iyang bana adunay katungod ug ang Biblia naghatag kaniya og katungod sa pagpakigbulag sa iyang asawa.” Husto kana. Mao kana ang ginasulti sa Biblia. Husto gyud kana. Oh, pagkaanindot! Mga babayeng puno sa Espiritu Santo nga nanaglingkod didto, nga namatuto sa ingon niana, gayud. Kita n’yo? Ang problema lang, giluangan na nila kana.

⁷⁷ Ingon niya, “Bueno, kung putlon nila kini, kung adunay problema nga kinahanglan nilang putlon ang ilang buhok,” ingon pa, “ipakuha siya og labaha ug kiskisan niya na lang kini tanan,” ug himoon kini sa babaye nga sinaw gyud, hangtud nga manubo kini pag-usab sa iyang ulo. Husto kana. Mao kana ang gisulti sa Kasulatan. Ang sulti Niini, “Kung magpapatol ang babaye sa iyang buhok, ginapakaulawan niya ang iyang bana. Ug ang babaye nga nagapakaulaw adunay legal nga katungod ang iyang bana nga biyaan siya ug bulagan.” Pero, dili puede nga ang bana magminyo pag-usab, ha. Pero siya—pero puede bulagan sa bana ang iyang asawa. Husto kana. Mao kana ang Kasulatan. Oh igsoon, nagkinahanglan kita og panggabiing buluhaton para sa mga pangutana! Husto kana. Kana ang Unang Mga Taga-Corinto, ang ika-14 nga kapitulo, kung gusto ninyong basahon Kini. Sige. Karon, ang—ang. . . Karon, kining babaye. . .

⁷⁸ Ang Dios—gibuhat sa Dios ang tawo, lalaki ug babaye. Nasabtan ba ninyo kung unsa ang Iyang gibuhath? Gibuhath Niya ang tawo. Gibuhath Niya. . . Karon, mao kana ang unang pangutana, kita n’yo, “Gibuhat Niya sila,” ug uban pa, Genesis 1:26. Genesis 2:7, “Giumol Niya sila gikan sa abog sa yuta ug gihuypan ngadto sa mga buho sa iyang ilong.”

Unsa man ang kalainan, o—o asa man ang pagkakonektado niini sa itaas nga Kasulatan? Unsa ma’y koneksyon sa unang tawo sa ikaduhang tawo?

⁷⁹ Ang unang tawo mao ang ikaduhang tawo nga nahipadayag diha sa lima ka mga sensya. Kita n'yo? Sa pagkakaran dili ninyo—dili ninyo mahikap ang Dios gamit ang inyong mga kamot nga sama *niana*, dili ninyo makita ang Dios gamit ang inyong mga mata. Wala Niya kini gihatag kaninyo para mahimo kana. Kamo'y . . .

⁸⁰ Nakadungog na ba kamo sukad og usa ka naghimalatyong balaan, sa dihang mosulti sila, “Anaa si mama, daghan nang mga tuig nga wala ko siya makita”? Nakadungog na ba kamo sa dihang ang maong mga tawo . . .? Kita n'yo, kung unsa kini, kini nga mga mata nga nagakahanap na ug ang supernatural nga mga mata nga nagapahiluna na. Kita n'yo? Ug dayon usahay kung atong, pag-ituyo sa Dios, makakita kita og mga panan-awon kon diin ang natural nga mata nagakawala. Dayon diha mismo sa atong atubangan, diretso kitang nagatan-aw, ug adunay usa ka panan-awon sa atong atubangan nga ginapakita ang supernatural nga mga butang sa Dios. Nakita ba ninyo ang buut kong ipasabot?

⁸¹ Busa nga, tan-awa, “Sa dihang kining yutan-ong tabernakulo dinhi . . .” Karon, nagkatigulang na ang uban kaninyo nga mga babaye ug lalaki dinhi. Tan-awa, “Sa dihang kining yutan-ong . . .” Nahunahuna ko ang tigulang nga amahan dinha, nga nubentay-dos anyos na. “Sa dihang kining yutan-ong tabernakulo matun-as na, adunay usa ka espirituhanon nga tawo, usa ka espirituhanon nga lawas nga nagahulat kanato nga dili mahanaw.” Magkita kita didto. Magalakaw ako sa . . .

⁸² Dili ko pa mahikap si Igsoong Neville didto—didtong lugara, tungod kay nakita sila ni Juan ug atua sila didto ingon nga mga kalag ilalum sa halaran, nga nagatuaw, “Unsa pa ka dugay, Ginoo, hangtud kanus-a?” Kabalo na mo kon ngano, nahisgotan na nato kana sa Pinadayag. Ug kung unsa nga nanagtinguha sila nga mobalik ug masul-oban sa mortal nga mga lawas. Nanagtuaw sila, “Hangtud kanus-a, Ginoo?”

⁸³ Karon, naila nila ang usa'g usa, pero dili sila maka-estoryahanay ug ni makapaglamano, o, siguro maka-estoryahanay sila, pero dili sila makapaglamano ug uban pa. Ania ang paghulagway para mapamatud-an kana. Sa dihang ang balbal sa Endor nagtawag sa espiritu ni Samuel, ug pagtan-aw ni Saul kaniya ug naila ni Saul nga siya mao si Samuel. Ug naila ni Samuel si Saul ug miingon, “Nganong gitawag mo ako gikan sa akong pagpahulay, sanglit nahimo kang kabatok sa Dios ug mihimulag ang Dios gikan kanimo?” Husto ba kana? Ug atua nagtindog ang tigulang nga si Samuel nga sul-ob ang kupo sa usa ka manalagna, ug naglantaw siya diha kaniya. Anaa nakabisti siya.

⁸⁴ Nakita sa espiritista si Samuel ug giyukbo ang iyang nawong ngadto sa yuta, og miingon, “Nakakita ako og dios nga nagagula gikan sa yuta.”

Miingon si Samuel, “Ngano nga ikaw nagsamok kanako?”

Ug ang ingon ni Saul, “Bueno, gusto kong hibaloong kung unsa ang mahitabo sa gubat.”

⁸⁵ Miingon, “Ugma mamatay ka sa gubat,” ug mao pud ang iyang mga anak, “ug sa niini nga oras ugma sa gabii kauban mo na ako.” Kita n’yo? Bueno, anaa mismo siya sa panimuot, ug mao sa gihapon ang iyang itsura kaniadtong dinhi pa siya ibabaw sa yuta, para niadtong espiritista nga nagtindog didto, nga nagatan-aw kaniya, ug mao usab para kang Saul.

⁸⁶ Karon, matikdi. Daghang mga higayon . . . Unsa pud kaha kang Papa o Mama sa dihang naghimalatyon na sila niadtong nakita nila ang mga minahal nila sa kinabuhi nga nagtindog didto? Naila nila sila. Pero anaa kini ilalum sa supernatural nga lawas.

⁸⁷ Pero karon ania ang mahimayaong bahin. Sa pagbalik ni Jesus sa pagkabanhaw, dili na sa ingon nianang lawas. Kana nga lawas nianang panahona, kanang supernatural nga lawas nga gibuhat sa Dios sa sinugdanan, mobalik kana nganhi sa yuta para mokuha og usa pa ka lawas, nga dili gipanganak gikan sa babaye, kondili gibuhat mismo sa Dios (Alleлуйah!), nga dili na matigulang o mangunot, dili na maubanong ang buhok sa imong ulo, kondili hingpit na gayud, hangtud sa kahangturan! Alleлуйah! Oh igsoon, igo na kana makapasinggat kanako sa maigang nga gabii! Husto kana! Oh, “kini nga kupo sa unod hukason na kanako, ug mobangon ug dawaton ang walay katapusang ganti!” Unsa pa man ang angay natong kabalak-an?

⁸⁸ Kana ang tibuuk plano nga nabuklad mismo didto, kung giunsa pagbuhat kanako sa Dios sa sinugdanan. Miabot ako dinhi sa yuta, gikuha ang akong puwesto ingon nga usa ka magwawali sa Ebanghelyo, o kamo ingon nga lalaki o babaye nga may kaluwasan, atong gikinabuhi ang kinabuhi pinaagi sa grasya sa Dios. Alleлуйah! Ug ang mao ra nga espiritu nga atua kaniadto didto sa sinugdanan magabiya dinhi. Magabalik ako ngadto sa panimuot nga nasayod nga kaniadto dinhi ako, (Alleлуйah!) ug dayon maghulat didto ilalum sa halaran, gipanalanginan ngadto sa kahangturan, nga nagapahulay. Ug dayon sa pagbalik ko na, kuhaon ko ang akong lawas diha sa kinamaayohang yugto niini sa kinabuhi, sa wala pa kini ghimpak sa kamatayon.

⁸⁹ Nagahampak kanimo ang kamatayon sa edad nga mga baynte-dos o baynte-tres anyos, may mga bati-bation ka na. Dili na ikaw ang lalaki sa kung unsa ka kaniadto ug maingon man ang babaye sa kung unsa siya kaniadto, human nga miabot ka na sa edad nga baynte-singko anyos, aduna na’y bati-

bation sa kalawasan. May mga pagkunot na nga nagasugod ilalum sa imong mga mata. Dili ka na makapanghugas sama sa ginabuhat mo kaniadto. Pag traynta ka na, mamatikdan mo nga mas midaghan pa. Hulata ra pagmoabot mo na og kuwarentay-kuwatro, nga sama kanako, ug dayon klaro na gyud nga mamatikdan mo kini. Pero, Oh igsoon! Hulata ra pagmoabot na ko og otsenta, nobenta, ug nakasungkod na, nga nagatindog dinha. Unsa man kini? Gibutang lang ako sa Dios sa lumba sa pagdagan. Pero usa sa niining mahimayaong adlaw . . . Mao kana ang kamatayon nga nagasugod na.

⁹⁰ Kaniadto tul-id pa ang akong abaga, itum ang mga buhok (ug puno pa niini ang ulo), ug wala pa'y mga kunot ubos sa mga mata; ug tan-awa ninyo ako karon, nagakakuko na, nagakabuko na, nagakatambok na, ug nangunot na ang ubos sa akong mga mata, naupaw na. Aba, tan-awa n'yo kung unsa ang ginabuhat sa kamatayon ngari kanako sa mga miaging baynte ka tuig. Ingon niana ang ginabuhat sa kamatayon. Hulata ra pagmoabot na ako'g otsenta, kung itugot sa Dios nga buhi pa ako niana, ug tan-awa kung unsa na ang akong hitsura nianang panahona, nga nagatindog nga sama niini nakahawid sa usa ka karaang sungkod, nga nagakurog-kurog na nga sama *niana* sa usa ka dapit. Pero, alleluyah, usa sa niining mahimayaong adlaw, makabsan na ang kamatayon og tibuok puwersa niini. Nianang tungora sa dihang mobangon na ako diha sa pagkabanhaw mamahimo na ako kung unsa ako kaniadto, kung unsa ang pagbuhat sa Dios kanako dinhi sa kalibutan diha sa pinakalabing maayo kanako, diha sa usa ka lawas nga dili gibuhat ni Mrs. Branham ug Mr. Branham, kondili gibuhat sa Dios Mismo; nga dili na matintal, dili na makasala, dili na makabuhat og bisan unsa pa, nga wala na'y sakit, wala na'y kagul-anan. Oh, grabe!

⁹¹ Dayon gunitan ko ang mga kamot sa akong asawa ug magalakaw didto sa Paraiso sa Dios nga ingon niana, pag-usab Mao usab kamo. Dili na ang tigulang nga ubanon nga babaye nga imong gipangulohan karong gabhiona, nga ginatawag nga imong asawa, kondili mamahimo siyang ingon ka maanyag sama niadtong adlaw nga siya gipakaslan mo didto sa altar. Alleluyah! Whew! Igo na kana para makasinggit ang usa ka tawo. Dili ba? Kita n'yo?

⁹² Sige, mao kana ang koneksyon. Ang Dios determinado. Sa diha nga ang Dios nagdesisyon na sa Iyang hunahuna sa pagbuhat og unsa man, siguradong mahitabo gyud kini. Gidaut ni Satanas kini nga hulagway gamit ang pangibog sa unodnong-pagpakighilawas, gamit ang babaye, para makapahimugso og mga anak. Gidaut niya kini. Busa padayon ug buhata kini, okey ra kana. Kini nga puy-anan mao ang pagpahigayon sa mga niini, tungod kay ang bugtong butang nga pagabuhaton mo niining kinabuhia mao ang pagkuha sa imong porma ug dagway, kung

unsa ka. Kung pula ang buhok mo karon, pula ang buhok mo didto. Kung itum ang buhok mo karon, itum ang buhok mo didto. Kita n'yo, kung unsa ka sa nianang imong pagkabatan-on. Ug kung ikaw . . . Gibabagan ni satanas ang maong hulagway, nga wala mo pa gani makuha . . . Kung unsa ang plano sa Dios para kanimo, kung unsa ka. Oh, pagkamahimayaon! Mao na ang lalaki.

⁹³ Karon sa Genesis 2. Agoy, kinahanglan ko nga magdali, aron mahisgotan pa ang mga niini. (Aduna ka pa ba dinha? Aduna ba? Aduna pa ba? Mga kinahanglan pang tubagon?) Sige, Genesis 2:18-21:

2. Gibuhat sa Dios si Eva gikan sa gusok ni Adan, Genesis 2:18-21. Gibuhat ba sa Dios ang lalaki ug babaye, dayon gibuhat si Adan ug Eva—Eva?

3. Ug gikuha ba ni Cain aog iyang asawa gikan sa mga binuhat nga lalaki ug babaye?

⁹⁴ Bueno, ato karon . . . wala ko . . . Siguro ania ang tawo nga nagsulat niini. Karon, sa dihang ang Dios . . . Sa unang pangutana dinhi:

Gibuhat ba sa Dios ang lalaki ug babaye, sa Genesis 2:18-21?

⁹⁵ Dili. Ako—ako . . . ingon—ingon sa inyong makita dinhi, 2:18-21 karon, matikdi:

Ug miingon ang GINOONG Dios, Dili maayo nga . . . tawo mag-inusara; pagabuhatan Ko siya og kaabag nga angay kaniya.

Ug gikan sa yuta ang GINOO . . . giuamol ang tanan nga mananap . . . ug uban pa.

⁹⁶ Karon, gibuhat sa Dios si Eva gikan sa kilid ni Adan. Adunay sobra og usa ka gusok ang babaye karon diha sa anatomiya ug ang maong pagkagama mismo kay sa kung unsa ang lalaki, tungod kay usa ka gusok ang gikuha gikan sa lawas ni Adan. Nabuhat na niadto si Adan ug nagkinabuhi na, ug nag-inusara, ug dayon ang Dios miingon, “Dili maayo nga ang tawo magkinabuhi nga nag-inusara.”

⁹⁷ Busa kining mga pari ug ang uban pa nga gihikawan sa katungod sa pagbaton og asawa. Bueno, niana, mahimo man sa iglesiang Romano ang bisan unsa . . . Sila man kana, sila ang kinahanglan manubag niana—niana, dili ako.

⁹⁸ Bueno, gipangutana ako sa usa—usa ka lalaki, bag-ohay lang, miingon, “Unsa ma’y tan-aw mo?” Usa ka pari, ang miingon, “Unsa ma’y tan-aw mo mahitungod nianang batan-ong pari dinhi sa lungsod nga gitaban kadtong babaye, kanang babaye, taga-Jeffersonville nga babaye dinhi, ug nagtaban ug nakigminyo kaniya?” Didto kini sa iglesiang Irish, kung nahinumdoman n’yo. Nalimtan ko kung unsa kadto ang iyang ngalan.

⁹⁹ Ingon ko, “May katungod siya nga magminyo sama kanako. Mao kana eksakto kung unsa ang hunahuna nako bahin niana.” Ingon ko, “Ang bugtong butang nga akong. . . sa hunahuna ko sayup ang iyang gibuhat, miadto unta siya sa simbahan ug nag-resign sa iyang katungdanan ug ayha miadto ug nakigminyo sa babaye, kay sa nagtaban nga sama niana.”

¹⁰⁰ Karon, nadumduman ba ninyo sa dihang nahitabo kini pipila pa lang ka semana ang milabay dinhi sa Jeff., ang Irish nga pari sa Catholic dinhing lugara. Batan-on pa siya, ug siya’y. . . aduna siya’y hinigugmang babaye dinhing lugara. Ug sa diha nga iyang. . . Gihatagan pa naman nila siya og dakung halad sa gugma, nga igapadala siya ngadto sa lahi nga parokya, ipadala siya ngadto sa Indianapolis sa kung asa man. Ug gikuha niya ang maong halad sa gugma, ang babaye ug tanan na, ug mibiya ug nagminyo, ug wala na sila’y balita gikan kaniya. Bueno, aduna man siya’y katungod nga magminyo, pero wala siya’y katungod nga buhaton ang ingon niadto. Dili niya unta angay nga gibuhat kadto. Miadto unta siya una sa—sa simbahan ug moingon, “Ania ako, nga maga-resign sa niini nga katungdanan ingon nga usa ka pari. Magminyo na ako, ug kana lang.”

¹⁰¹ Pero, gibuhat sa Dios si Eva, kaniadto, ug—ug si Adan ug Eva sa mao rang higayon, ang bugtong butang nga gibuhat Niya nga supernatural, mao ang espiritu ni Adan ug ang espiritu ni Eva, ang lalaki ug babaye. Dayon, sa dihang gibuhat Niya. . . gibutang si Adan dinhi, dili maayo alang. . . Kita n’yo, hulagway kini sa Dios nga ginapadayag sa tanang panahon. Ang tanan nga ingon niini, kini—kini padayon mismo, nga maipadayag, hangtud ngadto sa Milenyum didto ug ngadto mismo sa Eternidad. Hulagway mismo sa Dios nga ginapadayag, ang Dios kini nga ginapadayag ang Iyang Kaugalingon.

¹⁰² Ania, ang Dios nga gipadayag ang Iyang Kaugalingon diha kang Cristo Jesus, aron ipakita kung unsa Siya. Unsa man si Jesus? Usa ka Tawo sa kasub-anan, sinati sa pag-antus, mahigugmaon. Sa usa ka bigaon, “Asa na ang mga naga-kondena kanimo?”

“Wala na, Ginoo.”

“Wala pud Ako naga-kondena kanimo. Lakaw, ayaw na’g pagpakasala pa.”

¹⁰³ Kapoy ug hago gikan sa Iyang paglakaw nga mga traynta ka milya nianang adlaw, latas niadtong desiyertong mga balas ug ingon-anang mga butang; adunay usa ka babaye nga taga-Nain ang miadto didto; ug ang iyang bugtong anak nga lalaki, patay na, nga naghigda didto. Gipahunong ni Jesus ang prosesyon sa paglubong, gitapion ang Iyang mga kamot sa maong bata, miingon, “Bumangon ka.” Ug ang batang lalaki nga patay na nabuhi pag-usab. Kana—mao kana ang atong Ginoong Jesus. (Salamat, Teddy, anak.) Ug kadto, ang atong Ginoong Jesus. Dili

makababag Kaniya ang kakapoy, dili makababag Kaniya ang hago aron sa pagbuhat og bisan unsa nga maayo. Sige.

Karon ania ang usa pa ka pangutana:

Gikuha ba ni Cain ang iyang asawa gikan sa—gikan sa unang mga binuhat nga lalaki ug babaye?

¹⁰⁴ Karon, adunay usa ka medyo malisud nga pangutana, mao nga paminaw mo og ayo. Karon, oh, aduna ko’y . . . nakakita na kamo og mga tawo nga nagsulat sa papel, “Asa man gikuha ni Cain ang iyang asawa?” Oh, pangutana ko usab kini kaniadto.

¹⁰⁵ Ug wala gyud ako nagtudlo nga adunay nagakalayo nga impiyerno sulod sa mga upat ka tuig human sa akong pagkakabig. Kinahanglan ko nga makita usa’ kini diha sa Kasulatan. Kung wala ako kahibalo, wala gyud ko’y unsa man nga isulti mahitungod niini. Kita n’yo?

¹⁰⁶ Bueno, karon, “Asa man gikuha ni Cain ang iyang asawa?” Karon, kana ang—ang pagtuki sa niini nga pangutana karon. “Ug mikuha ba si Cain sa iyang ma-asawa ngadto sa mga binuhat nga lalaki ug babaye, para iyang ma-asawa?” Kita n’yo? Karon, karon, ang usa sa unang . . .

¹⁰⁷ Kining si Mrs. DeArk, kamong tanan nakadungog na sa iyang pagkaayo sa miaging gabii, kung giunsa pagpanalangin sa Dios kaniya ug tanantanan na. Naghigda na siya didto, naghimalatyon, mianhi sila sa mga alas dos sa kaadlawon.

¹⁰⁸ Ug busa, karon, sa ingon nianang paagi ko . . . Ang iyang anak nga lalaki, si George, ang lalaki usa ka espiritista, si Ed, pud. Atua sila sa tindahan, ug nadungog nako ang diskusyon didto sa luyo, kung asa kono ang unang . . . Kung asa kono nakuha ni Cain ang iyang asawa. Bueno, ang usa nga nagdala sa maong panag-diskusyon daw sa mao ang adunay pinakamaanindot nga argumento, ingon niya, “Sultihan ta ka kung asa nakuha ni Cain ang iyang asawa,” ang ingon, “si Cain miadto didto ug nagminyo sa usa ka dakung unggoy nga babaye.” Ug ingon pa, “Gikan sa maong unggoy migula ang itum nga kaliwat.” Ang ingon, “Namatikdan mo ba nga ang ulo sa itum nga tawo daw sa patalinis nga sama *niana*, sama—sama sa unggoy, ang ulo.”

¹⁰⁹ Bueno, nagtindog ako didto, mga duha pa lang ako ka bulan diha sa Ebanghelyo. Miingon ko, “Dili ko gusto unta nga dili-mouyon kanimo, tungod kay dili man ako usa ka magtotoon, bag-ohay lang ako naluwas. Pero,” ingon ko “kung ingon man niana, nan ang itum nga kaliwat wala na unta maglungtad niadtong panahon sa paggun-ob sa kalibutan, sa dihang ang kalibutan gilunopan sa tubig, kay si Noe ug ang iyang pamilya mao man lang ang nakasulod sa arka. Kadto lang man sila ang nakasulod sa arka. Ang itum nga kaliwat wala na unta maglungtad,” ingon ko, “kung husto ang imong ginasulti.” Ingon ko, “Dili gyud, sir! Ang itum nga kaliwat wala gyud magsumikad

niana. Dili gyud, sir. Ang itum nga kaliwat nagsumikad sa mao ra nga kahoy nga atong gigikanan, ug ang tanang tawo, parehas ra.” Wala gyu’y kalainan. Eksakto kana. Kitang tanan. . . Dalag ang usa, ug ang laing usa tabonon, ang laing usa itum, ug ang laing usa pa puti, ug ang laing usa lusparon, ug ang laing usa pula, ug ingon niana, pero kamong tanan gikan nianang mao ra nga kahoy. Ang pisikal lang kana nga bahin dinhi. Husto kana. Mao ra ka nga tawo sa gihapon, nga gibuhat dinhi sa Dios.

¹¹⁰ Ug karon, matikdi, dinhi dili pa lang dugay, nagatindog ako dinhing lugara ug uban ang mga doktor sa Louisville, Naghisgot ako mahitungod sa Africa kung unsa nga ang makaloolooy’ng mga tawo didto, ilabina, kadtong mga balbal, kung unsa nga aduna sila’y babaye didto, nga mikuha og usa ka gamay’ng bata, usa ka gamay’ng bata nga iyang nakita, ug—ug iya kini gibunal-bunalan nga ingon niana ug gihigot kini didto sa kasagbotan ug gipasagdan kini nga madugta sulod sa pipila ka adlaw, kabalo na mo, hangtud nga kini madunot og giulod na sa dili pa nila kan-on kini, kabalo na mo. Ang bisan unsa nga ingon niana, pasagdan una nila kini nga madugta sa makadiyut, para mahumok.

¹¹¹ Ayaw hunahunaa nga sobra ra kana mahitungod sa mga balbal. Didto sa England ila usab kana ginabuhat, ginapatay nila ang mga langgam nga pheasant ug ginapangbitay ang mga niini didto sa mga kahoy, dayon sa higayon nga ang mga balahibo niini nangatangtang na ayha nila kini kaonon. Ingon niana ang gigikanan sa kaliwat sa mga tawong Anglo-Saxon, didto sa England. Husto kana. Ug ayaw hunahunaa nga . . . Dili na gani ninyo kinahanglan moadto pa sa England, moadto lang mo dinhi sa habagatang mga estado, makakaplag pud kamo og mga ingon niana. Sigurado. Ang si kinsa man nga tawo puede man mokaon og umang o—o bitin, makakaon og bisan unsa. Busa . . . Oo.

¹¹² Karon matikdi, tugoti—tugoti kong isulti kaninyo. Pero, ania kung unsa ang nahitabo. Ang itum . . . ang—ang itum nga kaliwat walay kahilambigitan bahin niini. Si Cain . . .

¹¹³ Karon, gusto nako nga inyong bantayan. Nanag-ingon sila nga “Miadto siya sa yuta sa Nod.” Karon, si Cain atua kaniadto sa Eden. Ug ang Eden, ang tanaman sa Eden, nahimutang man sa sidlakan nga bahin sa Eden. Husto ba kana? Ang tanaman sa Eden anaa sa sidlakan sa Eden, ang sidlakan nga bahin sa Eden. Ug didto gipahimutang ang mga Querubin, ug atua pud ang Kahoy sa Kinabuhi didto sa sidlakan nga ganghaan sa maong tanaman, ug didto sa tan-aw ko nga sila ni Cain ug Abel nagtanyag sa ilang halad. Ug didto nagbantay ang mga Querubin nga may dala og nagdilaab nga espada aron nga dili na gayud sila pasudlon pa, didto sa sidlakan nga ganghaan!

¹¹⁴ Namatikdan ba ninyo, nga si Jesus moabot gikan sa sidlakan. Ang kahayag nagasubang gikan sa sidlakan. Ang

tanan magaabot . . . Nagsugod ang sibilisasyon didto sa sidlakan ug nagbiyahe kini padulong sa kasadpan, hangtud nga nituyok kini ug nibalik na usab mismo. Ania kita sa Kasadpan nga bahin sa Kalibutan. Didto ang Sidlakan, ang Sidlakan mao ang pinaka karaang sibilisasyon. Ang China mao ang pinakakaraang sibilisasyon nga naila, sa mga magsasaysay, sa kalibutan karon. Ang sidlakan!

115 Oh, kung mahimo lang unta nato nga magpabilin pa sa niining mga pangutana sulod sa daghang oras, kining usa ra, apan dili na nato mahisgotan ang uban pa. Pero matikdi, ania . . . Pila man ang gusto mahibalo kung unsa ang gituohan nato nga nahitabo kang Cain, kung asa niya gikuha ug kinsa ang asawa ni Cain? Atong susihon. Sige. Sultihan ko kamo kung unsa ang gibuhat ni Cain, ug kini lamang ang makatarunganong tubag nga inyong mahunahuna: Giminyo ni Cain ang kaugalingon niyang igsoong babaye. Kinahanglan niya nga buhaton kadto, kay aduna lamang niadto og usa ra ka babaye sa ibabaw sa yuta; sa Biblia tulo lang ka anak ang nasulat nga nahimugso, si Ham, Shem . . . o dili . . . Pasayloa ko, sila kadto ni Cain diay, ni Abel, ug ni Seth. Pero kung wala ma'y ubang . . . Talagsa ra magrekord ang Biblia sa pagkahimugso sa babaye. Kabalo kamo niana.

116 Karon, mipokus na gyud ko mahitungod sa mga babaye karong gabhiona. Pero, tan-awa, ginasimba na sa kalibutan ang mga babaye, pero ang mga babaye mao ang gigamit nga instrumento sa yawa sa sinugdanan. Ug ang usa nga dili-matarung sa karon mao ang pinakamaayong instrumento nga aduna ang yawa. Magpadala siya og daghang mga magwawali sa impiyerno kay sa tanan nga mga balay-imnanan nga ania sa kalibutan. Usa ka kiatan nga babaye diha sa kanto nga adunay sigarilyo sa iyang baba, ug ang iyang buhok pinutlan nga sama niini, ug tag-as nga mga pilok nga pinakidhat-kidhat, igsoon, usa ka diyutay'ng . . . dayon lawas niya nga maanindot ang porma, bantayi kung unsa ang mahimo niya.

117 Magwawali, siguradoha nga natabonan mo gayud ang imong kaugalingon sa Dugo ni Jesus Cristo. Husto kana. Karon, ayaw ko'g ingna, mga lalaki baya mo! Daghan na kaayo ko'g nakita mahitungod niini. Karon, tan-awa dinhi. Ang pinakamaayong butang nga inyong buhaton mao'y isentro ang inyong hunahuna diha kang Jesus Cristo ug himoa nga putli ang inyong mga hunahuna.

118 Maingon sa gisulti ni Pablo didto, miingon, "Kini'y . . . Kabalo kita nga aduna kita'y katungod sa pagpakuyog sa usa ka igsoong babaye. Aduna ako og katungod sa pagbuhat niana, pero" miingon "dili nako buhaton kana." Kita n'yo, dili niya gustong buhaton kana. Ingon niya, "Kabalo ko nga ang ministryo kinahanglan magkinabuhi pinaagi sa ilang-ilang . . . Dili mo pagbutangan og busal ang baka nga nagagiuk sa mais."

119 Kabalo mo, usahay maghunahuna kita, tungod nga kita mga magwawali. . . (Dili nga ikaw ug ako, ang buut kong ipasabot, igsoon.) Pero nagahunahuna ang mga magwawali nga tungod kay sila mga magwawali nga—nga sila mas labaw pa kay sa usa sa sakop niini nga mga miyembro sa iglesia. Dili kamo mas labaw ug dili nga mas bililhon sa atubangan sa Dios kay sa nianang palahubog nga nakabig og usa ka oras pa lang ang milabay.

120 Mao kana ang butang nga wala gyud nahinlo sa repormasyon, mao kining mga butanga. Kabalo ko nga gipirmahan ko ang akong ngalan “Reverend.” Eksakto kana, kana’y usa—usa lamang kana ka kasagaran nang ginabuhat sa karon, pero dili kini unta angay buhaton. “Reverend” ug “Obispo” ug “Doktor” ug tanan nianang mga butanga hinimora-sa-tawo nga mga titulo, ug walay pulos ang mga niini! Sa Biblia ang tawag lang sa ila “Pedro,” “Santiago,” “Pablo,” “Juan,” ug ang tanang uban pa kanila.

121 Miingon si Pablo, “Karon, dinhi, kabalo ko nga ginawali ko ang Ebanghelyo, kana—kana—mao kana ang akong katungdanan.” Usa ako ka magwawali, usa siya ka magwawali, usa ka magwawali si Igsoong Neville, pero kini. . . Mao kana ang among katungdanan, ang mamahimong magwawali. Bueno, ingon niana mismo ang angay namong buhaton. “Pero tugoti kong buhaton ang usa ka butang,” ang ingon ni Pablo, “nga lagpas pa niana.” “Karon, aduna ako’y katungod sa pagdawat og salapi,” ang ingon ni Pablo, “pero maggama ako og mga tolda para lang ipakita ko sa inyo nga mahimo nako—mahimo nako nga magsakripisyo.” Ingon niya, “Halangdon nga butang kini, halangdon nga butang ang kaminyoon sa ngatanan, ang higdaanan nga dili mahugawan. Maayo kini alang sa usa ka lalaki nga magminyo.” Ingon niya, “Aduna ako og katungod nga magminyo. Karon, ako—puede akong magminyo, aduna ako og legal nga katungod nga magminyo. Pero dili lang ko magminyo, gusto ko nga magbuhat og dugang pa nga sakripisyo ngadto sa Ginoo.” Kita n’yo? Dayon ang ingon niya, “Ang tanang tawo nahibalo sa iyang pagkatinawag. Pabuhata siya maingon nga. . . Ang uban mga eunuko tungod sa Pulong sa Dios, ug uban pa.”

122 Gusto nato nga mobuhat og usa ka butang nga lagpas pa sa atong katungdanan. Ug kung kamo tinuod gyud nga natawo pag-usab sa Espiritu sa Dios ug moingon, “Bueno, katungdanan ko nga magsimba, siguro kinahanglan ko gyud nga motambong.” Oh, my! Bueno, gusto kong mobuhat og labaw pa kay sa niana, gusto kong mangabig og pipila ka mga kalag alang kang Cristo. Gusto kong mobuhat og usa ka butang! Gusto kong mobisita sa mga masakiton o mobuhat og usa ka butang alang Kaniya. Katungdanan ko nga magwali sa mga panerbisyo sa paglubong, katungdanan ko nga magwali sa Ebanghelyo, katungdanan ko nga mag—ampo alang sa mga masakiton. Tugoti ako nga mobuhat

og lahi na pud nga butang, moadto ug mobuhat og usa ka butang kon diin pagapasidunggan ako sa Dios.

¹²³ Karon, balik ta ngadto kang Cain. [Blangko nga bahin sa teyp—Ed.] Tungod nga si Eva mao ra ang bugtong babaye nga gibuhat kaniadto sa Dios, ug kung wala si Eva og mga anak nga babaye, pag namatay kanang katapusang babaye (ang maong bugtong nga babaye), nawala na unta ang kaliwatan sa tawo. Husto ba kana? Wala na ma’y uban pang mga babaye. Busa siguradong aduna gyud si Eva og mga anak nga babaye. Ug giminyoan ni Cain ang kaugalingon niyang igsoong babaye, kay kadto lang ang paagi nga mahimo niya, wala na ma’y ubang lugar nga puedeng gigikanan sa mga babaye.

¹²⁴ Ug legal kadto ug nahisubay sa balaod niadtong mga panahona, bisan pa gani sa panahon ni Abraham, ug bisan pa ngadto sa panahon ni Isaac. Giminyoan ni Isaac ang kaugalingon niyang kadugo nga ig-agaw. Ug giminyoan ni Abraham ang kaugalingon niyang igsoong babaye, ang porsosong igsoong babaye. Sa iyahang amahan. . . Dili magkapareho sa mga inahan pero mao ra ang ilang amahan. Ug ang binhi nagagikan sa lalaki. Si Sarah, nga nanganak sa hiligugmaon nga si Isaac. Husto ba kana? Wala pa’y ubang tawo sa kalibutan kaniadto.

¹²⁵ Ang tanan niadto mao ang tipo, nagapakita nga ang. . . Ania kini, igsoon! Si Isaac. . . Si Rebekah maoy tipo sa Iglesia, ug si Isaac ang tipo sa Pangasaw-onon, ni Cristo. Husto ba kana? Ug kinahanglan nga sila magka-Dugo! Alleluyah! Amen! Magka-Dugo!

¹²⁶ Busa giminyoan ni Cain ang iyang igsoong babaye, ug kana’y. . . Dayon miadto sila didto sa yuta sa Nod. Karon, paingon na kita ngadto sa lawum nga hilisgotan kung mopadayon pa kita og diyutay, ug nalipay ko nga wala na ninyo gipangutana ang unsa mang dugang pa niana, (sama sa, “Asa kaha gikan kadtong mga higante nga atua didtong yutaa niadtong panahona?” Si Josephus ug ang uban pa adunay daghang mga argumento mahitungod niini). Amen! Kung wala nako kana matubag og husto, igsoon, ipadangat kini pag-usab sa Dominggo sa buntag. Sige.

4. Mahimo bang isaysay mo nga ang Dominggo mao ang unang adlaw sa semana ug nga ang Sabado mao ang ikapito ka adlaw? Nagasimba ang mga Cristohanon kada Dominggo, ang unang adlaw sa semana. Dili ba sila angayn’g mosimba pag Sabado, ang ikapito ka adlaw sa semana?

¹²⁷ Bueno, karon, minahal nga higala, kung kinsa man ang nangutana niini, maanindot kaayo kana nga pangutana. Usa kini ka dugay na nga pangutana nga gidebatihan sa liboan ka mga eskolar karon, pero kung tugotan ninyo ako, ihatag nako sa inyo ang akong saysay, nakita n’yo, mao lang ang mahimo ko. Ug kung sayup man ako, bueno, inyong—agwantaha n’yo na lang

ako, ug pasayloon ako sa Dios, nakita n'yo, kung—kung masulti nako nga sayup.

¹²⁸ Karon, kung paghisgotan ang balaod. . . Karon, siguro usa kini ka Seventh-day Adventist nga nagalingkod dinhi. Mao kana ang una nakong gitun-an, kanang Seventh-day Advent. Husto kana. Ang Seventh-day Adventist, kana ang una nakong gitun-an. Ug sa dihang nanagduol sila ug nagsulti kanako nga “ang Sabado mao ang ikapito ka adlaw,” igsoon, sumala ra kana sa Judiong kalendaryo. Ug wala kini gitul-id sa Romanong kalendaryo, ug ang adlaw'ng Sabado mao unta ang Dominggo. Bueno, nakombinsi nila ako sa usa ka butang nga abi nako'g husto. Ug samtang nga nagbasa ako niadto sa ilang literatura gitooohan pud nako kini, sinto porsiyento, pero usa niana ka adlaw aduna ko'y nabasa sa Biblia ug nakita nako nga lahi kadto. Kita n'yo?

¹²⁹ Karon, ang adlaw'ng Sabado mao ang adlaw'ng sabbath sumala sa liyok sa semana. Karon, wala kita kabalo. Nausabusab na kini, ug daghan na kaayo kita og mga kausaban nga wala ka kabalo kung unsa na ang mga niini. Kita n'yo? Tungod kay kita. . . Bueno, moingon ang mga Judio nga kita halos na. . . sa karon lagpas na kita kono sa mga 1970, sumala sa ilang liyok, sa ilang kalendaryo. Ang sa Romanong kalendaryo mga 1953 pa. Ug aduna sila'y usa pa ka kalendaryo nga nagaingon og lahi pud nga tuig. Apan mao kana ang nagpamatuod niini sa Cristianismo, basi kini tanan niadtong pagkatawo ni Cristo. Nakita n'yo, dinha nato kini gibasi.

¹³⁰ Bueno, pero karon ingon nga ikapito ka adlaw, karon, adunay daghang mga tawong Pentecostal nga mga sabbath—mga sabadista, nagasaulog sa Sabado ingon nga sabbath. Karon, ang ingon nila, “Wala'y Pulong diha sa Biblia para magsaulog kamo sa Saba-. . . Dominggo ingon nga adlaw.” Karon, isulti ko nga ingon niana usab mahitungod sa sabbath diha sa Bag-ong Tugon. Kita n'yo? Karon, ang Sabado mao ang adlaw'ng sabbath nga gihatag ngadto sa mga Judio. Karon, gihatag lamang kini nga usa ka gidugayon sa panahon.

¹³¹ Karon, mahimong magpatungha kini og usa na usab ka pangutana aron pangbalus niini. Apan, karon matikdi. Sa dihang mipahulay ang Dios sa ikapito ka adlaw, dayon ang ikapito ka adlaw wala man gisaulog, kutob—kutob sa akong nahibaloan diha sa Kasulatan, hangtud og halos kinse ka gatus ka tuig. Ug didto sa kamingawan, gihatagan sa Dios ang Israel og ikapito ka adlaw para sa usa ka timaan tali sa. . . Dios.

¹³² Ug mipahulay ang Dios sa ikapito ka adlaw, ang Iyang handumanan nga adlaw sa pagpahulay. Ginasulti ko kana alang sa kaayohan niining tingali og usa—usa ka Seventh-day Adventist nga igsoong lalaki o igsoong babaye, kita n'yo, ug

aduna sila og matahum nga iglesia. Ug karon matikdi, medyo dili lang ako uyon kanila og diyutay sa—sa niining pangutana.

¹³³ Karon, gibalaan sa Dios ang ikapito ka adlaw. Ang unom ka adlaw iya sa tawo. Ang ikapito ka adlaw mao ang kapahulayan nga adlaw sa Dios, nga usa ka tipo, usa ka tipo sa Milenyum. Karon, karon matikdi kini, kung giunsa—giunsa niini sa pagkatakdo. Karon niadtong miabot si Jesus sa yuta, ang hinungdan nga gilansang si Jesus kaniadto maoy tungod nga wala Siya magbantay sa adlaw'ng sabbath; ang duha lamang ka sumbong nga aduna sila kaniadto batok kang Jesus mao kadtong “gilapas Niya ang adlaw'ng sabbath, ug gihimo ang Iyang Kaugalingon nga Dios.” Ug miingon Siya nga Siya mao ang Ginoo sa sabbath. Aduna Siya'y...Siya usab ang Dios sa Sabbath, ug Dios Siya. Busa wala sila'y paagi nga kondenahon Siya.

¹³⁴ Karon, tugoting klarohon ko kini sa inyo ug ipakita sa inyo kung unsa nga adlaw ang atong isaulog. Karon, aduna ba'y Kasulatan? Ipangutana nako kini para sa inyo:

Aduna ba'y Kasulatan, Igsoong Branham, nga nagasulti kanato ug nagatugot kanato nga saulogon ang Dominggo sama sa gibuhat sa mga Judio nga nagsaulog sa Sabado?

¹³⁵ Wala, sir, wala gyud. Wala man ni usa sa Kasulatan diha sa Biblia, bisan sa Bag-ong Tugon, nga nagasulti kanato nga saulogon ang Sabado o Dominggo. Pero ang hinungdan nga ginasaulog nato ang Dominggo, mao'y usa ka paghandum sa pagkabanhaw. Wala na'y laing...

¹³⁶ Karon, moingon mo, “Gibuhat man usab kana sa Romanong Katoliko.” Moingon sila nga gibuhat nila kini, pero kung gibuhat nila, si San Pablo usa diay ka Romano Katoliko, ug mao usab si Pedro, Juan, ug Santiago, ug ang uban pa kanila, kay nagtigum man sila sa unang adlaw sa semana para sa ilang pagsimba. Ug, sumala sa mga magsasaysay, ang bugtong paagi nga maila nila ang Cristianong Judio gikan sa usa ka orthodox nga Judio (pareho man sila nanagsimba diha sa mga sinagoga), pero ang usa nagsimba sa adlaw'ng Sabado (nga nanaglimod sa pagkabanhaw ni Jesus), ug ang laing usa nagsimba sa adlaw'ng Dominggo (nga nagtoo nga nabanhaw si Jesus gikan sa mga patay). Ug mao kadto ang usa ka ilhanan. Ug mao sa gihapon karon, usa kini ka timailhan hangtud karon, ug posibli nga mamahimo kining marka sa mapintas mananap.

¹³⁷ Karon, kabalo ko nga ang, atong minahal nga mga kaigsoonang Seventh-day Adventist naghunahuna nga ang adlaw'ng igpapahulay mao ang Selyo sa Dios. Nanag-ingon sila, “Naselyohan na kono kamo tungod sa inyong pagtuman sa sabbath.” Wala ni usa ka Kasulatan diha sa Biblia nga nagasulti niana.

138 Ug ania ang Kasulatan gikan sa Biblia nga nagaingon nga—nga naselyohan na kamo, Mga Taga-Efeso 4:30, ang ingon, “Ayaw ninyo pagpasub-a ang Balaang Espiritu sa Dios ni kinsa giselyohan kamo hangtud sa adlaw sa pagtubos,” ang bautismo sa Espiritu Santo.

139 Karon pamatud-an ko kaninyo nga ang Selyo sa Dios mao ang bautismo sa Espiritu Santo. Kita n’yo? Kana ang bautismo sa Espiritu, nga mao ang Selyo sa Dios. Karon, sa Isaias 28, miingon siya, “Kini mao ang sugo ibabaw sa sugo, lagda ibabaw sa lagda, dinhi madiyutay ug didto madiyutay.”

140 Karon matikdi, bueno, minahal nga higala. Karon, ang mga tawo nga mihunong sa pagpamuhat. . . Kita n’yo, nagasulay ang tawo sa pagpangita og usa ka butang aron maluwas ang iyang kaugalingon. Wala ni usa ka butang ang inyong mahimo mahitungod niini. Naluwas kamo pinaagi sa grasya. Ang Dios ang nagapanawag, ang Dios ang nagaluwas. Ginasunod lamang ninyo ang—ang mga tunob sa Dios, mao lang kana. Dili kamo puedeng moingon og unsa man. Pero ingon niana man gud ang kinaiya sa tawo. Nagapaninguha sila nga dili mokaon og karne, naningkamot sila nga saulogon ang adlaw’ng sabbath, naningkamot sila aron. . . “Kung hunongon mo ang pagbuhat *niini*.” Kini’y. . . Wala kamo naluwas pinaagi sa dili pagkaon og karne. Wala kamo naluwas pinaagi *niini*, *niana*, o sa *uban pa*, Naluwas kamo tungod sa grasya! Ug ang Dios, tungod sa grasya, gihatagan kamo og bag-ong, Eternal nga Kinabuhi. Nakita ba ninyo ang buut kong ipasabot? Ug ang Eternal nga Kinabuhi mao ang bautismo sa Balaang Espiritu.

141 Karon ipakita ko kaninyo. Unsa’y buut ipasabot sa pulong nga *sabbath*? Kinsay nahibalo, ipataas lang ang inyong kamot? Sabbath? [Nagaingon ang usa ka igsoong babaye, “Kapahulayan.”—Ed.] Kapahulayan. Eksakto gyud. *S-a-b-b-a-t-h*, adlaw’ng sabbath, nagakahulogan og “k-a-p-a-h-u-l-a-y-a-n,” adlaw’ng kapahulayan. Kuhaa ninyo ang gamay’ng sinulat nga pulong dinha sa daplin sa inyong Biblia ug tan-awa, “Kapahulayan” nga adlaw. Karon moadto kita sa Mga Hebreohanon, ang ika-4 nga kapitulo, sa dili paglangan karon. Ug atong. . .

142 Kini—kini ang katapusang pangutana nga aduna ako dinhi. Ug, igsoon, tan-awa kung natubag na ang mga niini ni Igsoong Neville. Kabalo ko nga ang duha niini mugbo ra, aron dili na kamo namo langanon. Karon, pasayloa lang ako samtang hisgotan nako ang mga niini.

143 Karon, sa dihang makita ninyo ang pulong dinhi, *kapahulayan*, nan kabalo na mo nga ang buut ipasabot niana “sabbath.”

144 Karon, ania ang Bag-ong Tugon. Si Jesus, diha sa San Mateo, nagaingon Siya sugod sa ika-5 nga kapitulo sa San Mateo, ug

nagasugod Siya nga ingon niini: “Nadungog ninyo nga nagsulti sila, sila sa kaniadtong panahon, ‘Dili ka manapaw.’” Nga, unsa man kadto? Ang balaod, mga kasugoan. “Apan ginasulti Ko kaninyo, nga, ang si kinsa man nga nagatan-aw sa usa ka babaye nga may pagkaibog kaniya.” Giusab Niya kini, dili ba? “Nadungog ninyo nga nagsulti sila, sila sa kaniadtong panahon, ‘Dili ka magpatay,’ apan ginasulti Ko kaninyo!” Giusab Niya kini, dili ba? (Abi ko wala Niya giusab ang balaod?) Sige. Ang ingon Niya, “Apan ginasulti Ko kaninyo nga ang masuko sa iyang igsoon sa walay hinungdan nakapatay na.” Wala gyud kana ilalum sa Daang Tugon, sa Bag-ong Tugon na kana. Gilagpasan pa hinoon Niya kana. Kita n’yo? Mipadayon Siya ug gipahayag kadtong mga sugo, apan wala Niya hisgoti, gilaktawan hinoon Niya ang mismong ikaupat, nga mao ang mahitungod sa ikapito nga adlaw. Karon sa ika-7 nga kapitulo, kon diin Iyang . . .

¹⁴⁵ Sa mga Kabulahanan, ania ang gisulti Niya, ingon Niya, “Nadungog ninyo nga nagsulti sila, sila sa kaniadtong panahon, ‘Kinahanglan ka, ug kinahanglan dili ka,’ ug lahi ang ginasulti Ko kaninyo. Nadungog ninyo nga nagsulti sila, ‘Ngipon sa ngipon, ug mata sa mata,’ apan ginasulti Ko kaninyo! Nadungog ninyo nga lahi ang ginasulti nila, apan ginasulti Ko kaninyo!”

¹⁴⁶ Karon, sa katapusan niining tanan, wala Niya hisgoti ang ikaupat nga sugo. Karon, mao kadto, “Hinumdumi ang adlaw’ng sabbath ug himoa kini nga balaan.” Karon ang ingon Niya:

Umari kamo, kamong tanan nga gikapoyan ug mga nabug-atan, ug pagahatagan Ko kamo og kapahulayan sa inyong kalag.

¹⁴⁷ Karon tan-awa, “Ang si kinsa man nga manapaw kinahanglan siya nga batoon,” kinahanglan nga sila akto gyud nga nanagbuhat sa maong pagpanapaw. Husto ba kana? Ug kinahanglan nga pisikal niya nga gibuhat kini. “Ang si kinsa man nga magpatay,” kinahanglan siya nga mamumuno gyud.

¹⁴⁸ Apan ang giingon ni Jesus, “Ang si kinsa man nga nagatan-aw sa usa ka babaye,” diha na kini sa iyang kalag, espiritu, wala na sa iyang lawas karon. Gitubos na ang iyang kalag, nga kini dili ingon niana kaniadto; usa kini kaniadto ka magtutudlo, kita n’yo, ang balaod. Karon ang giingon Niya, “Ang si kinsa man nga nagatan-aw sa usa ka babaye sa pagkaibog kaniya nakapanapaw na uban sa maong babaye sulod sa iyang kasingkasing.” Karon ang giingon Niya, “Nadungog ninyo nga nagsulti sila, ‘Dili ka magpatay,’ apan ginasulti Ko nga ang si kinsa man nga masuko sa iyang igsoon sa walay hinungdan nakapatay na.”

¹⁴⁹ Karon ang giingon Niya, sa laing pagkasulti, mahitungod sa sabbath, ang giingon Niya:

Umari nganhi kanako, kamong tanan nga gikapoyan ug... nabug-atan, ug pagahatagan ko kamo og kapahulayan sa inyong mga kalag, sabbath sa inyong mga kalag. (Dili sa pisikal nga lawas, kondili sa inyong kalag.)

¹⁵⁰ Karon, paminawon—paminawon nato si Pablo karon. Kung mahimo lang ninyo... kabalo ko nga maigang ang palibot, dinhi maigang, usab. Pero, karon, paminawon nato kini og ayo aron masiguro nato nga masabtan kini. Karon, si Pablo kini, nga nagasulat ngadto sa mga Hebreohanon. Kinsa ba ang mga Hebreohanon? Sultihi ko. Ang mga Judio. Husto ba kana? Karon, sila mao ang mga tagbantay-sa-kasugoan, ang mga tagbantay-sa-sabbath. Husto ba kana? Husto ba kana, igsoong, magwawali? Sila ang mga tagbantay-sa-sabbath, sila kadto ang mga tagbantay-sa-kasugoan. Sige.

¹⁵¹ Karon, ginapakita ni Pablo sa mga Judio, pinaagi og mga landong ug tipo, ginapakita kung unsa ang gitipo sa kasugoan, “Ang kasugoan nga may landong sa maayong mga butang nga palaabuton,” ug nagpadayon siya sa pagsaysay ug diha sa usa ka bahin ginarepresentar niya kini ingon sa bulan ug adlaw. Ingon nga ang—ang—ang bulan landong ra sa adlaw nga nagasidlak ngadto sa ubang nasud o sa ubang bahin sa kalibutan, ug ginareplektar kini pabalik dinhi. Karon, pero karon, ug kini dili mahimo, ang... Mga Hebreohanon 9.

¹⁵² Karon, matikdi karon diha sa Mga Hebreohanon 4, miabot na siya niining hilisgotan mahitungod sa sabbath. Karon tan-awa:

Busa mangahadlok kita, kay tingali unya, ang saad nga gibilin kanato aron makasulod sa iyang kapahulayan,...

¹⁵³ Karon, si Pablo kini nga nagapakigsulti ngadto sa mga tagbantay sa sabbath, ang mga tawo nga nagasaulog sa adlaw’ng sabbath. “Mangahadlok kita kay tingali unya sanglit may saad nga gibilin kanato mahitungod sa adlaw’ng sabbath,” sa ubang pagkasulti. O kung mamatikdan ninyo ang gamay’ng sinulat nga pulong dinha sa daplin, o ang “pagsaulog sa sabbath.” Kini ang “j” dinhi sa akoo, gikan sa Scofield nga Biblia, o ang “pagsaulog sa sabbath.” Kita n’yo? Sige.

Kita... mangahadlok, kay tingali unya, sanglit may saad nga gibilin kanato... nga daw dili makakab-ut niini.

Kay sa pagkatinuod ginawali usab kanato ang maayong balita, ingon usab kanila (kaniadtong mga napailalum sa kasugoan): apan ang pulong nga hingdunggan wala nila pagpusli, tungod kay wala pag-ubani sa pagtoo ngadto kanila nga mga nanagpakadungog niini.

154 Bueno, kana'y ilalum pa kaniadto sa kasugoan. Wala sila og pagtoo, tungod kay wala man sila'y mabasihan niini. Kita n'yo? Sige:

Kay kita nga mingtoo aron makasulod ngadto sa Iyang kapahulayan, bisan ingon sa gisulti niya, . . .

155 Bueno, “sa Iyang” kapahulayan. Karon, “Iyang,” kini ang Kapahulayan nga iya ni Cristo. Sige, sa Iyang Kapahulayan, sa Iyang “sabbath.” Ug sa matag higayon nga mogamit ako og *kapahulayan*, maoy gisulat dinha, gamiton nako ang “sabbath” para masabtan ninyo ang mahitungod sa pagsaulog sa adlaw. Kita n'yo?

Kay kita nga mingtoo aron makasulod ngadto sa Iyang sabbath, kapahulayan, bisan ingon sa gisulti niya, . . . Sa akong gipanumpa tungod sa akong kapungot, (ngadto sa Mga Hebreohanon) sila dili makasulod ngadto sa akong kapahulayan: bisan pa . . . (Bueno, tan-awa si Pablo nga ginabuhat kini ingon nga balaan nga adlaw sa Dios) . . . bisan pa nga ang mga buhat nangahuman na sukad pa sa pagkatukod sa kalibutan.

Kay siya nag-ingon sa laing bahin mahitungod sa ikapito ka adlaw para sa kapahulayan, o sabbath . . . (Husto ba kana? Ihan-ay ko kana dinha, kita n'yo.)

Kay siya nag-ingon sa laing bahin (diha sa kasugoan) mahitungod sa ikapito ka adlaw sa ingon niini, Ug ang Dios mipahulay sa tanan niyang mga bulohaton sa ikapito ka adlaw.

156 Kana ang inyong ikapito ka adlaw. Karon, gipahayag ni Pablo nga gihatag kini sa Dios ngadto kanila, nga mao ang ikapito ka adlaw. Ug ang Dios mipahulay sa ikapito ka adlaw, gipanalanginan Niya ang adlaw'ng sabbath, Gibalaan Niya kini, ug gihinloan Niya kini, ug gihimo kini nga adlaw'ng kapahulayan. Gibuhat kini sa Dios, human sa tanan Niyang pagpamuhat.

Ug sa niining bahina usab, Dili sila magsulod sa akong kapahulayan. (Nagaingon si Jesus.)

157 Karon, aduna pa'y laing sabbath sa kung asa man. Asa man kini? Karon, timan-i n'yo kini, “Kapahulayan nga iya sa Dios,” kanang ikapito ka adlaw. Miingon si Pablo, “Aduna sila niana sa usa ka dapit.” Pero karon miingon siya pag-usab, “Dili sila makasulod sa Akong Kapahulayan,” nga napahinungod kang Jesus diha sa basahon sa Mateo sige.

Sanglit nga adunay pipila nga kinahanglan mosulod didto, ug nga sila nga gikawalihan kanhi wala makahimo sa pagsulod . . . tungod sa pagkamasukihon:

Usab, . . .

158 Karon paminaw mo og ayo! Ang tanan nga nagapaminaw, moingon “Amen.” [Nagaingon ang kongregasyon, “Amen.”—Ed.] Paminaw:

Usab, nagtudlo siya og usa ka adlaw, . . .

159 Nagtudlo Siya og usa ka adlaw dinhi. Unsa man kana? Dungan nga isulti sa tanan. Ang sabbath! Husto ba kana? Nagtudlo Siya og ikapito ka adlaw sa semana ingon nga sabbath sa niining dapit.

Ug usab, siya nagtudlo og usa ka adlaw, nga nagaingon pinaagi ni David (diha sa Mga Salmo), Karong adlaw, human sa hataas nga panahon; (hangtud nga moabot si Jesus, nakita n’yo, sa unang higayon) . . . bisan sa gisulti niya kaniadto, Karong adlaw kung kamo . . . makadungog sa iyang tingog, ayaw ninyo pagahia ang inyong kasingkasing. (aduna pa’y laing kapahulayan nga umaabot; dili nga pisikal, kondili espirituwal)

160 Karon, tan-awa. Oh, moingon mo, “Aduna man kami og ikapito ka adlaw, usab.” Bueno, kadali lang. Basahon nato ang sunod nga bersekulo, kita n’yo, ayaw ninyo kini dalidali-a. Sige:

Kay kung si Jesus mihatag pa kanila . . . Kay kung — kung si Jesus mihatag pa kanila og kapahulayan, adlaw sa kapahulayan, wala unta siya magsulti mahitungod sa lain pa nga adlaw.

161 Sa dihang gibag-o Niya ang kasugoan, gikan sa kasugoan paingon sa grasya, dili ba naghatag unta Siya kanila og adlaw nga kapahulayan, usa ka adlaw sa kapahulayan, usa ka adlaw? Apan wala gyud Siya’y nasulti og bisan unsa man mahitungod sa sabbath. Wala gyud Siya’y nasulti og bisan unsa man mahitungod sa Dominggo, wala gyud Siya’y nasulti og bisan unsa man mahitungod sa Sabado. Apan ania ang gisulti Niya, ang ingon ni Pablo. Karon tan-awa, “Busa . . .” Ang ika-19 . . . o ang ika-9 nga bersekulo:

Busa nagapabilin pa diay ang usa ka sabbath alang sa mga tawo sa Dios. (Karon kana!) . . . Busa nagpabilin . . . usa ka sabbath alang sa mga tawo sa Dios.

Kay siya (ikaw o ako) nga mao’y nakasulod sa iyang kapahulayan (Kapahulayan nga iya ni Jesus, “Umari kamo Kanako, kamong tanan nga gikapoyan ug gibug-atan, hatagan Ko kamo og Kapahulayan”), siya (ikaw o ako) nga miundang niadto gikan sa iyahang mga pagpamuhat, maingon nga miundang ang Dios niadto gikan sa iyaha sa sinugdanan.

162 Amen! Mao kana ang inyong sabbath. Husto ba kana?

Maninguha kita . . . (ang ingon ni Pablo) . . . sa pagsulod niana nga kapahulayan, aron walay bisan

kinsa nga tawo nga mahulog sa mao usab nga panig-ingnan sa pagkamasukihon (bahin sa mga adlaw ug uban pa, kita n'yo).

Kay ang pulong sa Dios buhi, ug nagalihok nga gamhanan, ug labi pang mahait kay sa espada nga duhay-sulab, nga nagadulot bisan...sa gitagboan sa kalag...ug magtutugkad sa...ug sa...(tan-awon nato)...sa espiritu, ug sa...(kadali lang)...gitagboan sa maong kalag ug sa espiritu, ug...sa mga lutahan ug sa kauyokan, ug...usa ka magtutugkad sa mga hunahuna ug sa mga katuyoan sa kasingkasing.

Ni walay binuhat...nga dili dayag sa iyang atubangan: kay ang tanang mga butang mga hubo ug bukas sa atubangan sa Iyang mga mata kaniya sa niadtong atong pagahatagan og husay.

¹⁶³ Karon, tan-awa, ang Dios mipahulay sa ikapito ka adlaw, gibuhit kaniadto ang ikapito ka adlaw, gihatag kini ngadto sa mga Judio alang sa usa ka handumanan. Nagahisgot ako kang San Pablo karon, makita n'yo, dinhi. Karon, sa hunahuna n'yo ginapresentar niya Kini? Sa hunahuna n'yo ba aduna siya'y katungod? Karon, unsay iyang giingon sa Mga Taga-Galacia 1:8? "Kung ang usa ka Manolunda gikan sa Langit moanhi ug magatudlo kaninyo og lain nga ebanghelyo gawas sa kung unsay akong gisulti, ipatunglo siya." Kita n'yo, klaro ang mga ebanghelyo. Karon, tan-awa.

¹⁶⁴ "Bueno, Igsoong Branham, karon unsa ma'y akong buhaton, basta toohan lang si Jesus Cristo?" Dili. Dili kana ang Kapahulayan.

¹⁶⁵ Karon, kung gusto n'yong mahibaloan kung unsa...Pila man ang gustong makahibalo kung unsa gyud ang Cristohanong Kapahulayan, moingon "Amen." [Nagaingon ang kongregasyon, "Amen."—Ed.] Karon, mahimo ninyo kini nga markahan kung gusto ninyo, Isaias 28. Siya miingon, "Kini mao ang sugo ibabaw sa sugo—sugo," ang ingon. "Sugo ibabaw sa sugo, lagda ibabaw sa lagda, dinhi madiyutay ug didto madiyutay, ug kupti ninyo kung unsa ang maayo." Ang propeta kini nga nagahisgot mahitungod sa umaabot nga panahon, mahitungod sa Kapahulayan, ang sabbath. Basaha n'yo ang tibuok nga kapitulo, tan-awa, ang iyang ginaingon, "Moabot ang panahon nga ang adlaw'ng sabbath pagawagtangon," ug namaligya sila og sapatos sa adlaw'ng Sabado sama sa ilang pagpamaligya sa adlaw'ng Lunes, o unsa pa. Nakita n'yo? Miingon, "Kanus-a man kini nga panahon?" Ang ingon:

...sugo ibabaw sa sugo;...lagda ibabaw sa lagda; dinhi madiyutay, ug didto madiyutay: kupti ninyo kung unsa ang maayo.

Kay sa nagabungabunga nga mga ngabil ug sa laing mga dila mosulti ako niining katawohan.

...Ug kini mao ang sabbath, ang kapahulayan nga akong giingon nga ilang pagasudlan. Ug bisan pa Niining tanan gipatig-a nila ang ilang mga kasingkasing ug gilingo-lingo ang ilang mga ulo ug gisalikway Kini. (Mao ra gihapon ang ilang gibuhay sa Pentecostes sa dihang mikunsad ang Espiritu Santo ngadto sa mga tawo, ug ang Espiritu Santo unang gihatag ngadto sa mga tawo didto sa Adlaw sa Pentecostes. Mao kana ang Kapahulayan, ang sabbath ngadto sa mga tawo sa Dios.) . . .

¹⁶⁶ Busa ang bugtong hinungdan nga ginasaug nato ang Dominggo, nga gisugdan sa atong mga amahan kaniadto sa Biblia, sila ni San Pablo, Juan, Mateo, Marcos, Lucas, ug silang tanan, nga nangadto sila sa mga kabalayan, nanag-ambit sila og komunyong sa unang adlaw sa semana sa dihang magkatigum ang mga tinun-an, ug gitawag kadto, dili nga usa ka sabbath, kondili ang adlaw sa Ginoo.

¹⁶⁷ Miingon si Juan, didto sa Isla sa Patmos, naestablisar na kini diha sa iglesia, “Diha ako sa Espiritu sa adlaw sa Ginoo.” Husto kana. Kita n’yo? Ug dayon nakita niya . . .

¹⁶⁸ Ug—ug, karon, ang adlaw sa Ginoo mao—mao ang adlaw nga nabanhaw ang Ginoo. Bueno, konsultahon n’yo ang magsasaysay sama, kang Josephus, Agabus, og daghan sa uban pa kanila, o, dili si Agabus, oh, dili nako . . . Bisan kinsa kanila nga mga magsusulat kaniadto, ug makita ninyo kaniadto. Ang mga magsasaysay sa simbahan, *Foxe’s Book of Martyrs*, daghan pa sa mga niini, ug mahibaloan ninyo dinha nga ang bugtong kalainan . . . Usa sila ka pundok sa mga Judio. Ang usa kanila gitawag nila “mga kanibal,” mao kadto ang mga Cristohanon. Ang ingon nila, “Aduna kaniadto og usa ka tawo nga gipatay ni Poncio Pilato ug miabot ang mga tinun-an ug gikawat ang lawas niini. Ug ila kining gitago, ug sa matag—matag Dominggo mangadto sila aron mokaon og parti niini.” Nagakomunyong diay sila, nakita n’yo. Ila lamang . . . Nanag-ambit sila sa Iyang lawas, nakita n’yo. Ang ingon nila nga nanag-ambit sila sa lawas sa Ginoo, ang komunyong. Ug wala sila mahibalo kung unsa kadto, ug ang ingon niya, “Mga kanibal sila.” Ingon pa, “Mangadto sila og mangaon sa unang adlaw sa semana, magkitakita sila ug mangaon sa niining lawas sa tawo.”

¹⁶⁹ Ug ang bugtong paagi kaniadto nga masulti mo kung sila ba mga tagbantay-sa-kasugoan ug grabeng ginapanghimakak ang pagkabanhaw, o kon sila ba mga Cristohanon ug nagtoo sa pagkabanhaw, ang usa nagasimba sa adlaw’ng Sabado ug ang usa pud nagasimba sa adlaw’ng Dominggo, nga mao ang ilhanan taliwala kanila.

170 Bug-at kaayo kana, dili ba? Sige. Nagalaum ko nga napatuhop kini. Ang Espiritu Santo mao'y. . .

171 Karon, aduna ka pa ba'y usa dinha, igsoon? Gusto mo. . . Gusto ba nimo—gusto ba nimo mosaka ug ikaw na ang magtubag niini? Tan-awon nato, mismo dinhi. Oh, oo.

5. May kahigayonan pa ba ang mga Judio nga maluwas human nga matapos na ang dispensasyon sa mga Gentil?

172 Oh, grabe, kung dili ba kana maanindot gyud! Wala na kita og igong oras nga hisgotan pa kini, pero sultihan ko kamo niini. Ug dawata ninyo ang akong pulong, ipakita ko sa inyo. Pinaagi. . . Kung dawaton ninyo ang akong pulong (ingon sa pagsaysay nako niini) atubangan sa Dios, kung ingon-ana susihon ninyo kini, kita n'yo, ug aron mahibaloan ninyo. Kay nahunahuna nako. . . Dili nako makita ang orasan, pero nahunahuna nako nga milagpas na. . . Unsa na'y oras? Unsa? Alas nuebe y medya. Kinahanglan pa nako nga moadto sa ospital, ug kinahanglan ko usab moadto sa New Albany, ug kinahanglan namo nga mobangon sa mga alas tres bayntesingko sa buntag. Busa. . . Ug wala pa ako nakahigda nga wala pa ang alas dos o alas tres kada gabii niining semanaha.

173 Karon matikdi dinhi, sa pagdali nato karon, para masabtan kini. Oo, akong minahal nga Cristohanong higala, ang adlaw sa Gentil tapos na, patapos na mismo karon. Ug magabalik na ang Dios ngadto sa Judio. Ug isulti ko sa niining gamay'ng iglesia nga nag-ampo gayud ako sa kanunay. Ug tungod sa mga propesiya gikan sa nagkalainlaing mga bahin sa nasud, nangabot sila dinhi bahin niini. Nagatoo ko nga ang Judio. . . Karon, kupti sa ang inyong mga kupo sa makadiyut lang, karon.

174 Dilu gyud masabtan sa Judio kining usa ka butang sa Cristohanong iglesia. Misulti ang Judio kanako, sa makadaghan nang higayon, "Igsoon, dili mo maputol-putol ang Dios sa tulo ka bahin ug ihatag Siya kanako." Adunay usa ra ka Dios ang Judio, ug kana mao si Jehovah.

175 Ug grabeng nasayup-pagsabot niana ang Gentil, hangtud gitudlo kini kaniya sa paagi, hangtud karon, pinaagi og kahibalo. Nagatoo ko nga siya—aduna siya'y usa—usa ka panghunahuna bahin niini, nga walay tulo ka mga dios. Adunay usa ra ka Dios, sa tulo ka manipestasyon. Tulo ka personalidad sa usa ra ka Persona. Ug sa dihang madawat mo ang mensahe, gisulti nako kang Hyman Appleman. . . Daghan kaninyo ang nakaila kaniya. Ang ingon niya, "Igsoong Branham, kung dalhon mo kana nga mensahe ngadto sa Palestina uban ang mga ilhanan ug mga katingalahan," ang ingon, "aduna gyu'y usa ka milyon nga mga Judio ang modawat kang Jesus Cristo ingon nga personal nga Manluluwas." Kita n'yo, husto nana. Karon, miingon ko. . .

176 Ania ang Mensahe nga aduna kita dinhi. Si Jesus mao si Jehovah nga natago sa unod, nanaug nga gililong. Karon, ang Dios (Amahan, Anak, ug Espiritu Santo) dili usa, nga sama sa inyong tudlo, sama sa gihunahuna sa ubang mga tawo. Ang tibuok butang sama lang. . . Dili, ang Dios mao'y. . . Bag-ohay ko lang kini gibukhad alang kaninyo, kita n'yo, nga adunay trinidad diha sa Usa ra.

177 Ako usa ka trinidad diha sa usa ra. Ako'y kalag, lawas, ug espiritu, diha sa usa ra ka tawo. Husto ba kana? Sigurado. Ako—linangkuban ako sa—sa mga selula, dugo, ug ang mga kaugatan, ug bisan pa usa ra ka persona. Kita n'yo? Ang tibuok mong ginatan-aw anaa sa usa ka trinidad, ug trinidad diha sa usa ra.

178 Adunay trinidad kaniadto sulod sa arka. Ang ubos nga andana, nagakamang nga mga binuhat; sa ikaduhang andana para sa mga langgam, nagalupad nga mga binuhat; ug sa ikatulong andana para kang Noe ug sa iyang pamilya. Ang tanan!

179 Sa tabernakulo. Aduna ang kongregasyon, ang balaang dapit, ang Pinakabalaan sa balaan. Kita n'yo?

180 Ug adunay tulo ka dispensasyon. Ang pagka-Amahan, ang pagka-Anak, ug ang dispensasyon sa Balaang Espiritu. Nakita n'yo kung unsa ang buut kong ipasabot? Pero silang tulo tanan. . . Wala kita nagaingon, “among mga Dios.” Pagano kana, ug nahibalo niana ang Judio. Pero kung ipasabot mo ngadto kaniya nga kini nga Jesus MAOY Dios, ang Jehovah nga Dios, dili nga ikaduha nga persona o ikatulo nga persona, kondili mao ra kini nga Persona sa tanang panahon nga nagapadayag sa Iyang Kaugalingon. Kita n'yo? Ug dayon inubanan og mga ilhanan ug mga katingalahan aron pamatud-an nga si Jesus nabanhaw gikan sa mga patay.

181 Ug kining si Doktor Reidhead. . .

182 Ang igsoon nato dinha, nga magtutudlo sa iglesia, ang magtutudlo dinha, nga usa pud ka magtutudlo sa eskwelahan, ania sa simbahan karon, nakita ko siya, ug nalamano nako ang iyang asawa ug ang bata dinha sa luyo. Miadto siya didto aron maminaw kaniya nga nagwali sa miaging gabii. Sa tan-aw ko ania pa sila karon, kung wala sila milakaw, nagtoo ko nga usa siya ka magtutudlo sa eskwelahan didto sa Louisville. Bisan pa niana, nangadto sila didto aron maminaw kaniya.

183 Talagsaon kini, nga ang maong tawo miadto sa akong balay, siya ug ang usa pa (ug usa ka Judio), pipila ka bulan na ang milabay. Ug ang ingon niya, “Igsoong Branham, nakabaton ako og *kadaghang* mga digri sa Bob Jones. Aduna ko'y. . . gikan sa Wheaton.” Tanan na nga edukasyon nga mahimong madawat aduna siya! Ang ingon, “Nagtoo gyud ko sa Dios sukad pa niadtong bata pa ako.” Ug ang ingon, “Sa gihapon adunay

kulang sa akong kinabuhi!” Ingon niya, “Nasayup ba ang mga magtutudlo?”

184 Ug ania ang maong hunahuna. Kung aduna ma’y . . . Kung ang uban kaninyo atua didto sa iglesiang Open Door sa miaging gabii, sa dihang pipila kanamo ang magkauban nga nagwali. Ang ingon niya, “Sa dihang nakuha ko ang . . .” Bueno, paminaw mo, diyutay’ng tabernakulo, tungod sa inyong mga pag-ampo ug mga butang nga nakatabang, paminaw mo niini. Gisultihan niya ako kaniadto, dinhi mismo sa balay.

185 Miadto siya sa akong balay, ang ingon niya, “Igsoong Branham,” ang ingon, “Nahingangha gayud ako.” Ingon niya, “Aduna pa ba’y mas labaw pa niini sa kung unsay akong gitooan ug gidawat, si Cristo ingon nga akong personal nga Manluluwas? Ug nagatoo ko nga ako natawo na pag-usab sa Espiritu, pero wala man ko’y pagpamatuod og bisan unsa.”

186 Miingon ko, “Igsoon, masakit man nga akong isulti kini, nalimbongan ka sa mga magtutudlo, sa imong pag-eskuwela.”

187 Tan-awa, ingon nga akong—nga akong masulti kini, wala ko nagatoo nga mahimo kang moangkas padulong sa Langit: “Nagatoo ka ba niini?” diha sa mga kasimbahanan, “Bueno, ania, tugoti ko nga mopakli sa’ dinhi, nga—nga *ingon niini* ang ginaingon sa Biblia, nagatoo ka ba niana?” Nagatoo ang yawa ug mangurog pa gani! Dili kini sa kung unsa ang imong ginatooan. Ang imong espiritu kinahanglan magpamatuod uban sa Iyang Espiritu nga kamo’y mga anak nga lalaki ug mga anak nga babaye sa Dios, pinaagi sa pagpakatawo pag-usab ug nakadawat sa bautismo sa Espiritu Santo.

188 Ang ingon niya, “Igsoong Branham, unsa ma’y tan-aw mo mahitungod sa mga Pentecostal?”

189 Ug ingon ko, “Mao kana ang hinungdan nga nagapakighimat ako kanila. Mao kana ang hinungdan nga ako—ako nagapakig-uban kanila, tungod aduna sila’y usa ka butang nga wala kamo.” Miingon ko, “Bisan sa ilang pagkapanatiko ug tanan na, aduna sila’y kamatuoran nga kamo walay hibangkaan.” Ug nakigsulti ako niadto sa usa sa pinakahalangdon nga mga tawo sa America, mismo kaniadto. Oo, sir. Siya ang presidente sa Sudan Missions, nga mao ang pinakadaku sa tibuok kalibutan, pundamentalista sa kinauyokan. Kabisado niya ang mga Kasulatan, ug ang *kamatayon*, *paglubong* ug *pagkabanhaw*, nga ginawali kini nga mora’g sama sa balay nga nagakasunog. Pero dili man ingon niana Kini. Ang yawa makahimo usab, niana. Ang yawa mamahimong ingon niana usab ka pundamentalista.

190 Pero, igsoon, miingon si Jesus Cristo, “Gawas ang tawo ipanganak pag-usab sa Espiritu sa Dios dili niya makita ang Gingharian sa Dios.”

191 Dili lang tungod nga nagaingon ka, “Oo, nagatoo ko niana. Oo, ako—nagatoo ako nga ingon niana ang paagi. Nagatoo ako niana. Oo.” Dili lang gyud kana ra. Kini kinahanglan nga aktuwal gyud nga kasinatian sa bag-ong Pagkatawo. Kini kinahanglan nga usa gyud ka butang tali kanimo ug sa Dios nga nahibalo ka nga ikaw nakalabang na gikan sa kamatayon ngadto sa Kinabuhi.

192 Ang ingon, “Igsoong Branham, makadawat ba ako sa Espiritu Santo?”

193 Miingon ko, “Gipandongan ko lang sa mga kamot si Hyman Appleman didto, ug nadawat niya ang bautismo sa Espiritu Santo.”

194 Kadtong usa pa ka Judio misugod sa paghilak, ug nabuak niya ang bildo sa gamay’ng pang-kape nga lamesa, ug mingdanguyngoy uban sa dagkung mga luha didto. Silang duha miingon, “Igsoong Branham, unsaon namo pagdawat sa Espiritu Santo?” Mga iskolar! Maalamon, utukan! Mga pinakamaantigo sa nasud!

195 Ug ingon ko, “Ang apostolikanhong paagi sa pagdawat sa Espiritu Santo mao ang pagpandong sa mga kamot diha kanila.” Husto kana.

196 “Pagpandong sa mga kamot.” Miabot si Ananias kaniadto aron pagapandongan og mga kamot si Pablo aron nga makakita na siya ug mapuno sa Espiritu Santo.

197 Milugsong kaniadto si Felipe ug nagwali didto, ug gibautismohan ang usa ka panon didto sa Ngalan ni Jesus Cristo. Wala pa mikunsad ang Espiritu Santo, tungod kay si Pedro ang adunay mga yawe. Ug miadto siya didto, ug gipandongan niya sila, ug nadawat nila ang Espiritu Santo. Husto ba kana?

198 Si Pablo, diha sa Mga Buhat 19, human nga nakatabok siya. Si Apollos, nga maoy tipo ni Billy Graham didto, nagapahigayon kaniadto og dakung rebaybal ug aduna sila og mahimayaong higayon. Ang ingon ni Pablo, “Nadawat na ba ninyo ang Espiritu Santo sukad nga mitoo kamo?” ngadto niadtong pundok sa mga Baptist.

199 Nanag-ingon sila, “Mga sumusunod kami ni Juan. Nasayod kami! Si Apolos ang among magwawali, usa siya ka abogadong nakabig, labing maalamon nga tawo sa nasud.”

200 Ang ingon niya, “Pero nadawat na ba ninyo ang Espiritu Santo sukad nga mitoo kamo?”

Ang tubag niya, “Wala man gani kami makadungog nga aduna diay Espiritu Santo.”

Ang ingon, “Kung ingon-ana giunsa diay kamo pagbautismo?”

Ang ingon, “Nabautismohan kami ngadto kang Juan.”

201 Ang ingon, “Nagbautismo si Juan ngadto sa paghinulsol, nga ginasulti sa inyo nga magtoo kamo Kaniya nga moabot, kang Jesus Cristo.” Ug pagkadungog nila Niini, gipangbautismohan sila sa Ngalan ni Jesus Cristo. Ug gipandongan sila ni Pablo sa iyang mga kamot ug nanagpakadawat sila sa Espiritu Santo, nanagsugod sila sa pagsulti og ubang mga pinulongan ug nanag-ambahan sa Dios. Ingon niana kini ka tin-aw sumala sa nahibaloan ko sa Kasulatan.

202 Karon, tan-awa, higala! Siguro adunay gamay’ng kalainan dinhi bahin sa inyong opinyon, tungod kay nasagolsagol na nato ang tanan. Pero iplatar nato kini, nga dili magsulay nga isal-ot ang inyong interpretasyon. Isulti lamang kung unsa ang ginasulti sa Biblia, basaha lang Kini sa niining paagiha.

203 Ug miingon ko, “Ang bugtong butang nga akong hingsayran, mga igsoon, mao ang pagpandong sa akong mga kamot diha kanila nga nangita sa Espiritu Santo.”

204 Ang ingon niya, “Mahimo bang pandongan mo sa mga kamot ug—ug mangamuyo sa Dios aron panalanginan kami ug hatagan kami og Espiritu Santo?”

205 Miingon ko, “Buhaton ko.” Ug nangluhod kami sa salug, ug nag-ampo ako ug nagpandong kanila. Ug mga pipila ka mga semana human niadto, pareho silanng nanagpakadawat sa bautismo sa Espiritu Santo. Ug sa dihang nadawat ni Doktor Reidhead ang bautismo sa Espiritu Santo, nagsugod siya nga magsulti sa ubang mga pinulongan. Oo, sir.

206 Ug miingon ang inyong Sudan Missions, “Wala kami og lugar para sa tawo nga mosulti og mga pinulongan.”

207 Ug miduol siya kanako ug miingon, “Adunay tawong nagasulti’g ubang mga pinulongan?”

208 “Aba, aba,” miingon ko, “wala diay sila og lugar para kang Jesus Cristo, tungod si Jesus Cristo nagsulti man og dili-maila nga mga pinulongan; ug namatay, nga nagasulti og dili-maila nga mga pinulongan.”

209 Kung ingon niana dili nila madawat ang pagtulon-an ni Pablo, kay si Pablo nagsulti man og ubang mga pinulongan nga labaw pa sa tanan kanila.

210 Ang usa kanila miingon kanako kagahapon, miingon, “Mas gustohon ko nga magsulti og lima ra ka mga pulong nga may pagsabut.”

211 Pero ang pagtulon-an ni Pablo miingon, “Tinguhaa ninyo ang pagpanagna, ug dili ninyo pagdid-an ang pagsulti sa mga pinulongan.” Ug did-an nila ang pagsulti og mga pinulongan!

212 Ang pagsulti’g ubang mga pinulongan usa ka Balaanong gasa sa Dios nga iya sa iglesia nga mao ra sa gihapon karon sa kung unsa kini kaniadto sa sinugdanan. Mao gyud kana ang Kamatuoran. Oo, tinuod! Mao kana ang pagtulon-

an sa Biblia. Usa kini ka Balaanong gasa, ug inyo kining ginapanghimakak sama sa inyong—inyong pagpanghimakak sa bag-ong Pagkatawo, inyong ginapanghimakak ang tanan nga gitudlo ni Jesus pag-ginasulayan n'yong tangtangan kini.

²¹³ Bueno, mahimo n'yong pahilabihan kana, nga ginabuhat sa daghan kanila. Pero ang ingon ko, “Aduna pud og iyahang lugar kini.” Sama ra kini sa usa ka pares sa sapatos; sa dihang mopalit ka og usa ka pares sa sapatos, ang mga dila anaa na sa sulod niini. Ug husto kana. Sa dihang anaa ka na sa Lawas ni Cristo, aduna na’y giandam ang Dios og tibuok lamesa nga ang tanan anaa na, niini. Aduna Siya’y gugma, aduna Siya’y kalipay.

²¹⁴ Kung moadto ako sa imong lamesa ug molingkod dinha sa lingkoranan, ug moingon ka, “Magwawali, ari ka ubani ko’g kaon,” nagatoo ko nga gimahal mo ako. Ug aduna ka’y makaon dinha nga mga beans ug mga patatas ug mga karot ug pritong manok ug pumpkin pie ug sorbete, ang tanan anaa na dinha. Aba, nagatoo ako nga ikalipay mong itunol kanako ang mga patatas lakip pud ang mga beans. Ang buhaton lamang, nagatoo ako nga ikalipay mong itunol kanako ang manok lakip pud ang pie. Anaa man kini tanan sa lamesa. Ug ang buhaton ko lamang mao ang pagsulti, “Palihog tunoli ko og pie?” Ug nagatoo ako uban sa kasingkasing nga mahinatagon, tungod sa imong gugma kanako, moingon ka, “Sigurado, akong igsoon, pagkuha ka og usa ka daku niini.” Husto ba kana? Kung moingon pud ko, “Palihog tunoli ko og mga patatas?” “Aba, siyempre, akong igsoon, ania kumuha ka.”

²¹⁵ Ug ang matag panalangin sa pagtubos nga gipakamatyan ni Jesus Cristo ug gipalit pinaagi sa Iyang pagsakripisyo didto sa Kalbaryo, anaa kini tanan diha sa lamesa ug ang matag magtotoo nagalingkod sa mismong atubangan niini. Alleluyah! Kung magkinahanglan ako og kaayohan, moingon ra ko, “Amahan, itunol kanako ang kaayohan,” ug igabubo nako kini sa akong plato ug mokaon niini og daghan. . . Karon, kung gusto mo nga mamatay sa kagutom, sige bahala ka. Oo, sir. Ug kung ang pagpropesiya, ang pagsulti’g ubang mga pinulongan. . .

²¹⁶ Ug—ug dayon nagsulat ang maong tawo, wala siya nahibalo nga nagsulti ako. . . nga ako mismo nagsulti pud og ubang mga pinulongan. Ug nagsulat siya sa niining libro, makita ninyo kini nga gipakaylap na sa mga kanasuran. Ug labut pa niana, kini nga tawo adunay baynte-singko ka inila nga mga ministro sa Moody Bible Institute nga nagapangandoy og gasa sa pagsulti’g ubang mga pinulongan. Mga tawong pundamentalista nga nangabalitad. Ang *The Christian Life*, niining—niining bulana, basaha n’yo ang magasin nga *Christian Life* niining bulana, diha sa pahina dise-nuebe, ug tan-awa n’yo kanang bantugan nga doktor sa dibinidad, nga miingon, “Dawaton ba nato kini? Aduna ba’y mawala kanato?”

217 Nadungog nako ang dinaguok sa pagkadaghan sa ulan nga nagasingabot! Aduna lang kamo’y mga tawo nga ginatuis kini, pero miabut na gyud sa punto nga ginahatagan sa Dios ang kalibutan sa Gentil og usa ka pag-uyog pinaagi sa bautismo sa Espiritu Santo, nga ginabubo Kini uban sa tibuok kahupnganan Niini ug mga gahum ug mga ilhanan ug mga katingalahan. Ang hinungdan nga nagatoo kong... natulod kaniadto ang Pentecostes ngadto sa usa ka suok ug nahipalabihan ang nagkalainlaing mga butang nga sama niana, tungod ang panahon dili pa man hinog. Mao kana ang hinungdan nga aduna kanila ang tanan niining pagkapanatiko. Pero kana ang Balaanong saad sa Dios ug ang Balaang Pulong sa Dios, ug kinahanglan Kini nga mahinabo aron nga matuman gyud ang giingon sa Dios. Ug nagatoo ako nga sa dili pa ang katapusan sa Gentil nga dispensasyon magabubo ang Dios ngadto sa mga pundamentalista.

218 Mabasa ninyo kini sa *Reader’s Digest* niining bulana, niining bulan sa Agosto nga isyu. Basaha n’yo kini, kung unsa nga ang Methodist nga magwawali didto sa pulpito, nag-ampo para niadtong tawo nga naghigda og himalatyon na didto sa higdaanan sa ospital, ug miabot ang saksi sa Espiritu Santo ug ang tawo naayo dihadiha dayon. Alleluyah! Sigurado. Aduna man ang Balaang pagpang-ayo sa Dios nga gipahimutang dinhi nga lamesa! Aduna pud Siya’y pagpropesiya nga napahimutang dinha sa lamesa! Aduna Siya’y pagsulti’g ubang mga pinulungan nga anaa nianang lamesa! Aduna Siya’y siyam ka espirituhanong mga gasa sulod sa maong Lawas, ug gidapit kamo ngadto sa matag usa niini! Alleluyah! Oo, sir, ania na kita.

May . . . Sa pagtapos sa Gentil, igabalik na ba ang mga Judio?

219 Oo, sir. Daghang mga Kasulatan, igsoong babaye, igsoong lalaki, o kinsa man kini. Ang usa sa mga niini mao si Joel, “Kung unsay gibiyaan sa ulod nga dangaw-dangaw, gikaon sa ulod nga hantatawo,” ug uban pa, nianang kahoy. Ug miingon si Jesus Mismo kung sa unsang paagi sila igasalikway ug tanan na. Oh, ang tibuok Kasulatan, sa Daniel ug bisan asa pa, nagahisgot bahin niini. Oo, miingon si Jesus, “Pag makita ninyo ang kahoy’ng higuera nga nagapanalingsing na, hingbaloan ninyo nga ang panahon haduol na.”

Nagatoo ako nga kining usa pa ka pangutana may kalabotan niini:

6. Nagatoo ba kamo nga ang pagbalik sa mga Judio—sa mga Judio ngadto sa Palestina mao ang katumanan sa propesiya sa Biblia? Nabalitaan namo nga moadtoay ka sa Palestina, tinuod ba kana?

220 Oo. Oo, sir. Sultihan ta mo og usa ka butang, ang usa sa pinakabililhong. . . Kung gusto ninyong makita kung unsang

orasa sa tuig na kita karon, tan-awa ang kalendaryo. Kung gusto ninyong makita kung unsang orasa sa gabii na kita karon, tan-awa ang orasan. Kung gusto ninyong makita kung unsang adlaw na kita nagkinabuhi, tan-awa kung asa na ang mga Judio. Mao kana ang orasan sa Dios.

²²¹ Ug tan-awa! Niadtong mismong gabii, niadtong mismong adlaw, nga ang Manulonda sa Ginoo nakigtagbo kanako, 1946, sa ikapito sa Mayo, didto sa Green's Mill, Indiana, niana pud nga adlaw gipirmahan ang kasabutan sa pakigdait para sa mga Judio ug natukod sila ingon nga usa na ka nasud sa unang higayon sulod sa baynte-sinko ka gatus ka tuig. Alleluyah!

²²² Ug, karong gabhiona, ang pinakakaraang bandila sa tibuok nga kalibutan, ang unon-ka-tumoy nga bitoon ni David, nagakayab karon ibabaw sa Jerusalem sa unang higayon sulod sa baynte-singko ka gatus ka tuig, sukad niadtong pagkabihag nila ngadto sa Babilonya. Miingon si Jesus, "Pag makita ninyo ang kahoy'ng higuera nga nagapanalingsing na." Atua na gayud ang Israel! Miingon si Jesus, "Tun-i ninyo ang sambingay. Moingon kamo 'Duol na ang ting-init.' Pag makita ninyo kini, masayran ninyo nga ang oras anaa na sa pultahan." Ania na kita mismo sa katapusan sa panahon.

²²³ Tan-awa kung unsa kanang "kadulumtanan" diha sa Daniel, ug uban pa, kabalo na mo, sa dihang miingon si Jesus. "Pag moabot na ang dakung Prinsipe, maga panagna Siya og—og usa ka libo ug duha ka gatus ug kan-uman ka mga adlaw," nga tulo ka tuig ug unom ka bulan. Ug mao kana eksakto ang giwali ni Jesus. Miadto Siya ngadto sa mga Judio lamang, dayon pagapatyon Siya ingon nga—nga usa ka halad alang sa mga tawo. "Ug kana nga pasipala nga nagalaglag," kanang Moslem ni Omar nga gitukod sa mga Mohammedan didto. "Ug ilang pagayatakan ang mga paril sa Jerusalem hangtud" (whew! Hangtud kanus-a?) "nga matapos ang dispensasyon sa Gentil." Ug dayon mobalik na Siya ngadto sa mga Judio pag-usab, ug dinha na mahitabo ang Gubat sa Armageddon. . . Didto Niya gitawag ang mga Gentil, aron magkuha og usa ka katawhan alang sa Iyang Ngalan, ang Iyang Pangasaw-onon. Matikdi. Oo, sir. Ang usa ka gatus ug kuwarenta'y-kuwatro ka libo ang tanan niini kanila mga tinubos nga mga Judio nga kinahanglan mobarug didto. Kining tanan. . .

²²⁴ Dayon sa diha nga ang Iglesia gisasakgaw na, moabot sila ni Moises ug Elias sa eksena, diha sa Pinadayag 11, ug igawali si Jesus Cristo ngadto kanila. Ug gikuha na ang Espiritu Santo gikan sa mga Gentil, ug miabot na ang Pagsakgaw para sa Iglesia nga pagasakgawon. Ug ang mga Judio nga nahabilin dinhi igawali kanila sulod sa tulo ug tunga ka tuig, tungod kay miingon siya, "Adunay kapitoan ka semana nga gikatakda sa Imong katawhan, ug pagapatyon ang Mesias sa ilang taliwala." Sa dihang isalikway Siya, magkaaduna og kahigayonan ang mga

Gentil, ug dayon aduna sila og tulo pa ka tuig ug tunga nga pagawalihan, mahitungod kang Jesus Cristo.

²²⁵ Sigurado, moabot ang mga Judio. Ug nagatoo ako, igsoon, nga pagmoabot na kita didto sa Palestina niining higayona. . . Oh, pag-ampo gyud! Ginabasa na nila kana nga Biblia.

²²⁶ Usa pa ka pamahayag, dayon human niana aduna ko'y gamay'ng, mubo nga pangutana dinhi, ug mao na kana tanan. Kining usa ka pangutana dinhi sa tan-aw ko usa ra ka pag-ampo.

²²⁷ Tan-awa kini! Miingon si Doktor Reidhead, nga atua didto nagapakigsulti ngadto sa usa ka maalamon nga Mohammedan. . .

²²⁸ Karon, paminaw mo og ayo. Usa ka Mohammedan, nagkaaduna ako niadto og baynte ka libo kanila nga mingduol ngadto kang Ginoong Jesus sa dihang nasaksihan nila ang mga ilhanan ug mga katingalahan didto sa Africa. Kini. . . O, dili, dili ra baynte ka libo; traynta ka libo kadto tanan-tanan. Siguro napulo kadto ka libo kanila ang miduol, tungod kay ang kadaghanan kanila mga—mga Mohammedan. Ug sa dihang nanagtindog sila didto, ug miingon ako, “Kinsa sa inyong mga propeta sa templo ang makapa-ayo niining tawo?” Miingon ko, “Kinsa sa inyong mga diosdios, kaninyong mga lumad, ang makapa-ayo niining tawo?” Ingon ko, “Walay usa kanila! Walay propeta sa templo. . . ug walay pari, diay.” Ug ingon ako, “Walay diosdios ang makahimo niini. Ug ni ako man. Pero ang Dios sa Langit nga nagbanhaw sa Iyang Anak nga si Jesus Cristo Nga buhi sa taliwala sa mga tawo karon, Siya mao ang naghimo kaniya nga bug-os gayud nga naayo na ingon nga makita ninyo siya nga nagatindog na.” Usa kadto ka tawo nga may kadena palibot sa iyang liog, nga kinahanglan pang giyahan siya ingon sa usa ka iro. Diha sa usa ra ka minuto nagatindog na siya, nga normal ug maayo na.

²²⁹ Ug giingnan ako ni Doktor Reidhead sa miaging gabii sa dihang naglingkod kami didto sa sakyanan, ingon niya, “Oh, grabe!” sa paghunahuna niya bahin niana. Miingon siya nga adunay Mohammedan nga miduol kaniya, ug ingon niya nga nagpakigsulti siya ngadto niining Mohammedan, nga pagka-eskolar kaayo nga tawo. Ang ingon niya, “Bueno, sir, nganong dili mo man isalikway ang imong dugay na nga namatay'ng propeta, nga si Mohammed?”

²³⁰ Karon, hinumdumi, nagatoo sa Dios ang mga Mohammedan. Didto sa—sa Africa, aduna didto og usa ka dakung “bong,” usa ka “dong,” nga nagbitay nga ingon niana. Ug mokuha sila og dakung gomang maso ug idukdok kini nga ingon niana, ug magalanog kini sa tibuok nga lungsod. Ug mohunong ang matag Mohammedan, ug mosaka ang pari didto sa taas sa templo,

ug moingon, “Adunay usa ra ka tinuod ug buhing Dios, ug si Mohammed mao ang Iyang propeta.”

²³¹ Kana ang mga anak ni Ismael. Kita n’yo, kang Agar, mga anak sila ni Abraham pinaagi kang Agar. Kita n’yo? Nagatoo sila sa usa ka tinuod nga Jehovah nga Dios, apan ang tan-aw nila kang Jesus. . . (Kadto ang. . . Siya ang *atong* Manunubos, nga gipadala ngadto sa mga Gentil gikan sa gawasnong babaye; si Isaac, kita n’yo, ug pinaagi ni Sarah). Ug karon, gianak sila ni Agar, si Ismael, ug mao nga miabot ang mga Mohammedan.

²³² Ug didto sa lubnganan ni Mohammed, angay gyud og makaadto mo og matan-aw n’yo, talagsaon gyud, ang dakung lubnganan didto. Ug sulod sa duha na ka libo ka tuig aduna didto og usa ka puting kabayo nga gimontorahan, nga giandam na nila didto. Nagsaad man gud si Mohammed nga mabanhaw kono siya gikan sa mga patay sa umalabot nga adlaw ug mosakay kono siya nianang kabayo aron buntogon ang kalibutan. Ug sa matag—matag higayon ginapuli-pulihan nila ang kabayo didto; nga nagahulat didto uban sa matinud-anong guwardiya, nga nagatindog didto, nagahulat nga mabanhaw si Mohammed gikan sa mga patay. Duha na ka libo ka tuig ang milabay sukad niadto.

²³³ Nagatoo man pud sila kang Jesus, ingon nila nga Siya usa ka propeta kaniadto. Didto sa mga bungbong sa karaang Jerusalem aduna sila’y gitukod nga daku kaayong simbahan, kon diin didto kono moadto si Mohammed. Ug aduna pu’y gamay’ng simbahan nga gitukod didto, para kang Jesus. Tan-awa, ingon nila, “Wala man kono gilansang si Jesus, og nangalibog silang tanan niana.” Nanagsulti pud sila, “Aduna kono si Jesus og kabayo nga gisakyan ug hing-ikyas.” Kita n’yo? Karon, ingon niana ang ilang—ilang pagtoo.

²³⁴ Aduna sila’y pulang tulbok nga ginabutang tunga sa ilang agtang. Ang mga tawo nga nagaadto sa India, inyo kining mamatikdan. Grabe, manindog sila didto nga linibo ang gidaghanon.

²³⁵ Ug dayon miingon si Doktor Reidhead nga nagtindog didto, ug miingon siya, “Karon, nganong dili mo man isalikway kanang dugay nang patay nga propeta ug dawaton ang Usa Nga nabanhaw gikan sa mga patay, usa ka buhing Cristo?” Karon, usa ka iskolar kadtong Mohammedan ug kabalo gyud siya kung unsaon pagplastar sa iyang mga pulong.

²³⁶ Ang sulti nga gitan-aw kono siya sa maong Mohammedan, (maantigo, edukadong tawo, nga dinhi mismo sa America, naka-eskuwela) ang ingon niya, “Sir, migo sir, unsa ba diay ang mabuhat sa imong nabanhaw nga Jesus para kanako kay sa gibuhat sa akong namatay nga propeta?” Ang ingon, “Ang akong namatay’ng propeta nagsaad kanako og Kinabuhi human sa kamatayon. Mao man pud kana ang gisaad sa imong Jesus.”

Bueno, may punto siya nianang butanga. Ang ingon, “Bueno, pareho sila nagsulat og libro. Nagatoo ka sa maong gisulat ni Jesus, nagatoo pud ako sa maong gisulat ni Mohammed. Pareho silang nagsaad og Kinabuhi.” Miingon, “Unsa pa man diay ang mabuhat sa imong Jesus para kanako kay sa akong—kay sa mabuhat sa akong Mohammed?” Bueno, ang maong tawo, basi sa yanong mga gisulti niya, tinuod pud. Ang ingon niya, “Pero kadali lang, migo sir.” Ang ingon niya, “Ang akong Mohammed wala gyud magsaad kanako og mga butang sama sa gisaad sa imong Jesus. Ang imong Jesus nagsaad og . . . Nanagsulti sila, ‘Nabanhaw Siya,’ ug magauban kaninyo sa tanang panahon, hangtud sa katapusan sa kalibutan; ug ang mga ilhanan ug mga katingalahan nga Iyang gibuhat, pagabuhaton pud ninyo, bisan hangtud sa katapusan sa kalibutan. Imo konong pagaayohon ang mga sakit, ug banhawon ang mga patay, ug hinloan ang mga sanlahon, ug hinginlan ang mga yawa.” Ang ingon, “Gitun-an nako ang Cristianismo, og ayo.” Ang ingon, “Karon tugoti akong makita ang imong mga magtutudlo nga magpakita og Jesus Cristo, ug motoo ako nga nabanhaw Siya gikan sa mga patay. Pero, gawas niana . . . Wala gyud magsaad si Mohammed kanamo og ingon niana nga mga butang, nagsaad lamang siya kanamo og Kinabuhi human sa kamatayon. Ug kana ang mismong butang ang imong ginatudlo, ug gilaktawan ang uban.” Husto ang maong tawo, eksakto gyud ang maong Mohammedan.

²³⁷ Si Doktor Reidhead nga atua didto miingon ug mihilak. Miingon, “Igsoong Branham, nadumduman ko ikaw.” Ug dalidali siya nga mianhi dinhi, ug misulod didto, ug gipandongan nako siya sa akong mga kamot, ug miabot kaniya ang bautismo sa Espiritu Santo. Ug karon nakakita na siya og mga panan-awon ug tanan na. Karon tugoti nga hagiton siya pag-usab sa maong Mohammedan! Dili na siya sama kaniadto!

²³⁸ Ginasulti ko nga ang atong Jesus nabanhaw gikan sa mga patay, buhi Siya karon. Ug ginabuhat Niya ang mao rang mga butang karon nga gibuhat Niya kaniadto, ang tanang matang sa mga ilhanan ug mga katingalahan. Ug kamong mga tawong pundamental nagalingkod-lingod lang nga naninguha pa sa pagsaysay niini sa pasukwahi nga paagi, ug dili na makita hinoon ang mismong pinakasukaranan nga bahin sa Biblia. Husto gyud kana. Si Jesus Cristo, ang nabanhaw nga Anak sa Dios, makasulti’g ubang mga pinulongan pinaagi kaninyo, makapagpropesiya Siya pinaagi kaninyo, makapakita Siya og mga panan-awon pinaagi kaninyo, makahubad Siya og wala mailhi nga mga pinulongan pinaagi kaninyo. Ug ang tanan niana kabahin Niya.

²³⁹ Ug ang pagdawat sa *niining* usa Niya ka bahin ug ang pagsalikway *nianang* usa pa Niya ka bahin, sama ra kini sa pagputol kanako nga matunga sa duha ug kuhaon ang akong

bat-ang og mga batiis sa ubos ug moingon dayon nga nakuha mo na ako, sa dihang *kining* nahabilin nga bahin dili nimo dawaton.

²⁴⁰ Kinahanglan parehong dawaton ninyo ako nga kompleto o...Ug mao kana ang hinungdan nga usa ako ka full-Gospel nga magwawali nga nagatoo nga ang tanang gisulti sa Dios Kamatuoran. Amen! Himaya! Gibati nako nga mora'g holy-roller mismo karon. Oo, sir. Ginatoohan ko Kini!

7. Mateo 24:29, nagahisgot mahitungod sa “Ang adlaw mongitngit, ang bulan dili na mohatag sa iyahang kahayag, ug ang mga bitoon mangatagak gikan sa kahitas-an.” Mahitabo ba kini sa dili pa o human na sa Pagsakgaw, o sa dili pa ang pag-abot ni Jesus aron mag-...maghari sa yuta?

²⁴¹ Sa mapaubsanon kong pagtoo, karon, dili ko...wala ko kabalo, sa tan-aw ko nagahisgot siya mahitungod sa Mateo 24, dinha. Karon, nagahisgot si Jesus mahitungod sa mga bitoon ug mga butang nga mangatagak, nagatoo ko nga sa dili pa kana ang Panahon sa Kasakitan nga mahitabo sa kalibutan.

²⁴² Karon, aduna ko'y talagsaong hunahuna dinhi nga daghan siguro sa inyo dili mouyon kanako niini, aba, nahunahuna nako ang uban sa mga kaniadto-pa nga mga tigpaminaw sa pagtudlo nga atong nahisgotan. Kita n'yo, dili ako motoo nga ang Iglesia moagi sa Panahon sa Kasakitan. Nagatoo ko nga ang Iglesia... Tan-awa, akong...Ang bugtong paagi nga maitudlo ko ang Bag-ong Tugon maoy pinaagi sa landong diha sa Daang Tugon, sama sa Espiritu Santo dinhi para sa adlaw'ng sabbath ug uban pa. Ang tanan landong ra sa kaniadto.

²⁴³ Karon, balikan ninyo ang Daang Tugon. Sa dihang makita ninyo nga gibubo ang mga hampak, atua sila kaniadto sa Egipto. Dili ba? Ug ginapagawas sa Dios ang Iyang mga katawhan padulong ngadto sa yutang saad. Husto ba kana? Ug wala gyud nakadawat ang Israel ni usa ka hampak. Sa dihadhiha nga ang mga hampak...sa wala pa kini miabot, atua na sila sa Gosen. Husto ba kana? Ug wala didto misalop ang adlaw, walay mga lamok nga miabot, walay mga baki didto, walay kuto didto, walay mga bagyo didto, walay kilat didto, walay kamatay sa mga baka didto, ug ang tanan nga aduna sila napreserbar didto sa Gosen. Husto ba kana? Usa kini ka tipo sa Iglesia nga mobiya na sa dili pa ang Panahon sa Kasakitan. Miingon si Jesus, “Inigsugod nga nagakahitabo na kining mga butanga, ihangad ang inyong ulo, kay ang inyong kaluwasan nagakahaduol na.” Kita n'yo?

²⁴⁴ Nagatoo ako nga ang bulan ug ang adlaw ug ang mga bitoon...Dayon miingon sila nga...Padayon ug basaha Kini, miingon, “Ug nanagpangalagiw ang mga kalalaken-an ug nanagtago sa ilang kaugalingon sa...ug gusto nila mahulogan...buot unta nga mapatay ang ilang mga

kaugalingon, ug dili nila mabuhat kini, ug tanan na.” Nagatoo ako nga mahitabo kana sa dili pa ang Kasakitan.

²⁴⁵ Karon, matikdi, ang Kasakitan nga nagasingabot. Pagmoabot na ang Kasakitan, mikayab na ang Iglesia. Karon, hinumdumi ninyo, kadto lamang ang ordinaryong iglesia nga walay Espiritu Santo ang mopaingon ngadto sa Panahon sa Kasakitan. Ang Pinili lamang ang mokayab.

²⁴⁶ Oh, mahimo kong maghisgot og medyo bug-at dinhi, sa kadali. Mahimo pa ba ninyo akong hatagan og tulo pa ka minutos? Unsa man ang—ang tawag sa mga tawong gisakgaw, ang mga nahabilin? Husto ba kana? Sige. . . Akong—ang buot kong ipasabot mao—ang Pangasaw-onon. Karon, gibiyaan ang nahabilin.

²⁴⁷ Karon, sa dihang ang babaye magaputol og usa ka sulondan para sa palda, hisgotan una ninyo ang bahin niini. Ilatag niya ang tela (husto ba kana?), ang usa ka tela. Ug igalatag niya ang iyang sulondan una sa ibabaw niini. Igaplastar niya una kon diin pagaputlon ang sulondan. Eksakto ba?

²⁴⁸ Oh igsoon, makahatag gyud kini og kaayohan kanimo! Kinsa ba ang nagapili? Ang Dios ang nagapili! Husto ba kana? Dili nga ako ang nagasulti, Siya ang nagasulti. Ug Siya mismo ang nagabutang sa sulondan ngadto sa ibabaw niadtong buot Niya. Husto ba kana?

²⁴⁹ Karon, adunay napulo ka mga ulay nga migula aron sa pagtagbo sa Pamanhonon. Husto ba kana?

²⁵⁰ Unsa man ang “ulay”? Ang *ulay* buot ipasabot “putli, balaan.” Husto ba kana? Unsa man ang ulay nga babaye? Usa kini ka babaye nga wala pa gyud nahilabti, siya usa ka ulay. Unsa man ang bisan unsang butang nga putli, sama sa ulay nga lana sa olivo? Buot niini ipasabot nga kini na dalisay hangtud nga kini anaa na sa pagka-ulay niini, putli gyud kini. Unsa man ang ulay nga bulawan? Sa dihang ang tanan nga hugaw . . . miagi kini sa kalayo ug tanan na ug giugdaw na ang tanang hugaw. Husto ba kana? Ang tanang puthaw ug pyrite, ug ang tanang uban pa, giugdaw na, kini anaa na sa pagka-putli niini.

²⁵¹ Karon, adunay napulo ang miadto aron sa pagtagbo sa Pamanhonon. Mao kana ang gisulti ni Jesus. Husto ba kana? Pili man ang mouyon niana, mosulti “Amen.” [Nagaingon ang kongregasyon, “Amen.”—Ed.] Napulo ang miadto aron sa pagtagbo Kaniya. Karon, tan-awa, silang tanan mga balaan. Bueno, para mahimong *balaan* kinahanglan sila nga “mabalaan,” tungod kay kana lamang ang nagahinlo, balaan nga tuboran nga aduna ang Dios, mao ang pagpabalaan. Husto ba kana?

²⁵² Karon, tan-awa. Silang napulo gibalaan, pero ang lima walay Lana diha sa ilang lamparahan, ug ang lima adunay Lana diha sa ilang lamparahan. Husto ba kana? Unsa man ang

ginarepresentar sa *Lana*? Karon, dili ang pagkaputli, ang pagka-
ulay. Ang *Lana* nagarepresentar sa “Balaang Espiritu.”

²⁵³ Karon, kung isulti nako kini sa...ug masakitan mo og
diyutay, wala nako kana gituyo sa paagi nga akong gibuhat.
Karon, pasayloon ko ninyo, ug ayaw mo paghawa sa iglesia. Ania
lang ako sa pulpito aron sa pagpaningkamot nga matabangan
kamo. Kita n’yo? Bueno, tan-awa, ipakita ko sa inyo.

²⁵⁴ Walay iglesia sa kalibutan nga mahimong magkinabuhi nga
labaw pa sa kaputli sa Nazarene diha sa ilang mga pagtulon-
an, Pilgrim Holiness ug kanila. Husto ba kana? Sila bug-os
gayud nga nagatoo diha sa kaputli sa pagpakabalaan, dili...
bisan gani ang pagsul-ob og singsing sa ilang kababayen-an,
ug unsa pa. Pagkaputli ug pagpakabalaan, sa tanang paagi,
nagatoo sila niini. Ang organisasyong Holiness, ang tanan mga
legalista, mao kana ang ilang pagtulon-an, nga ilang ginatooan.
Balaan! Tag-as ang mga buhok sa mga kababayen-an ug tag-
as pud ang palda. Dili man gani molukot sa ilang manggas ang
kalalaken-an, og daghan kanila ingon niana. Ang tanan, ni bisan
sa paghikap...ang pagpanigarilyo, pag-inum-inum, bisan unsa
pa...Wala gyud ingon niana, kita n’yo. Balaan gayud! Dili ka
makakinabuhing hinlo kay sa niana.

²⁵⁵ Pero nianang mao ra nga Iglesiang Nazarene, kung ang usa
ka tawo magsulti’g ubang mga pinulongan sulod sa iglesia, ilang
pagawason ang maong tawo. Ug moingon sila nga dili man
gani sila molingkod tupad ang ingon niana nga tawo. Bueno,
tinuod kana. Kung dili kamo motoo niini, sige sulayi n’yo didto
sa makausa, og hibaloa. Susiha ninyo sa makausa. Mismo sa
paghunahuna man gani niini kasukaon sila niana. Ang ingon
nila, “Yawa Kana!”

²⁵⁶ Kanilang lima...Silang napulo mga ulay. Ang lima mga
maalamon nga aduna og Lana diha sa ilang lamparahan, ug ang
laing lima ingon ka putli ug balaan usab pero wala lang sila og
Lana (gibalaan sila, nga walay Espiritu Santo).

²⁵⁷ “Adunay tulo nga nagpamatuod dinhi sa yuta: ang tubig, ang
dugo, og ang Espiritu.” Sa San Juan 5:7...Unang Juan 5:7, diay,
ang ingon “Adunay tulo nga nagapamatuod sa Langit: Amahan,
Anak, ug Espiritu Santo, kining tulo Usa ra. Pero adunay tulo
nga nagapamatuod sa yuta: tubig, dugo, ug Espiritu, dili sila usa
ra kondili nagkauyon sila ingon nga usa ra.”

²⁵⁸ Bueno, dili mahimong magkaaduna ka og Amahan nga wala
ang Anak. Dili mahimong magkaaduna ka og Espiritu Santo
nga wala ang Amahan, Anak, ug Espiritu Santo. Usa ra Sila.
Inyong...Dili sila mabulag-bulag.

²⁵⁹ Pero mahimo kang mapamatarung nga dili gipakabalaan.
Ug mahimo kang mapabalaan nga wala nadawat ang Espiritu
Santo; magmahinlo, magkinabuhi nga putli, ug magbaton sa
dagway sa pagkadiosnon, ug ginapanghimakak ang Gahum

sa pagpang-ayo ug pagsulti'g ubang mga pinulongan ug ang dakung gasa sa Dios (ug ang matag usa kanila anaa Niana).

260 Ania ang inyong lima ka maalamon nga mga ulay nga adunay Lana diha sa ilang lamparahan, may Pagtoo nga makapagpasakgaw, nagatoo sa tanang mga ilhanan, mga katingalahan, mga propesiya, ug tanan na. Ug kining lima nga kaputol gikan sa nahabilin mao ang gisakgaw.

261 Ug ang uban kanila mga ulay sa gihapon ug dili malaglag, pero moagi sila ngadto sa Panahon sa Kasakitan. Miingon si Jesus “Magkaadunay . . .”

262 Ug nanagsulti sila—nanagsulti sila, “Hatagi kami og pipila sa inyong Lana, nagkinahanglan kami og Espiritu Santo karon.”

263 Karon, ang si kinsa man nahibalo nga ang Espiritu Santo, sa Zacarias 4, ug, oh, sa Santiago 5:14, ang tanan nahibalo nga—nga kini nagrepresentar sa Espiritu Santo. Karon, nanagsulti sila . . . Kana ang hinungdan nga nagadihog kita og lana, nga nagrepresentar sa Espiritu Santo; karo, “Ang Lana sa Espiritu,” ang ingon sa Biblia.

264 Bueno, *kini* sila nakabaton og Espiritu Santo; ug *kini* sila gibalaan. *Kini* sila gibalaan og *usab* nanagpakadawat sa Espiritu Santo, nga nagatoo sa tanang talagsaong panghitabo ug sa tanang butang nga iya sa Gahum sa Dios. Ang tanan nga gihisgotan sa Dios Dinhi, nanagpakabaton sila niini, nga nanagtoo niini. Kini sila ang gisakgaw.

265 Ug *kini* pud sila nanagsulti, “Hatagi kami, kami, karon.”

266 Ang ingon, “Aduna lamang kami og igo aron nga makasulod,” ug dayon nangadto na sila sa Pagkasakgaw.

267 Ug ingon nila, “Lakaw pamalit kamo gikan niadtong mga namaligya sa inyo,” ang ilang giingon. Ug nangadto sila aron sa pagsulay sa pag-ampo niadtong tungora, aron madawat ang Espiritu Santo, pero ang dispensasyon sa Gentil natapos na ug miabot na ang pagpanglutos. Ug miingon Siya, “Gipangtambog sila ngadto sa kangitngit kon diin didto ang mga panaghilak ug panagminatay ug panagkagot sa mga ngipon.” Pero diha sa ikaduhang pagkabanhaw sila mao ang mga karnero nga gipanaglain gikan sa mga kanding, pero dili ang Pangasaw-onon, dili ang Pinili. Kondili ang nahabilin kana nga Binhi sa babaye.

268 Unsa man ang nahabilin? Ang bahin nga pinutlan, nga nabilin. Pero pareho ra nga panapton. Husto ba kana? Pareho ra kini nga gusto mong magbuhat og bisti gikan sa panapton, ug ginabuklad mo ang usa ka dakung panapton ug sugdan kining putlon. Desisyon mo na kini kung asa mo ibutang ang sulondan aron magputol. Desisyon na sa Dios kung asa Niya igabutang ang sulondan aron magputol. Putlon Niya kini dayon. Husto ba kana? Ug karon kining, nahabilin sa niining panapton nga

tinabas dinhi, ingon ka pareho ra nga panapton kon diin gitabas ang bisti. Husto ba kana? Mao nga pagpili kini sa Dios. Ginapili sa Dios ang Iyang Iglesia, ginapili-nang-daan sa Dios ang Iyang Iglesia; Gitagana-nang-daan sa Dios kana, gitagana-nang-daan ang Iyang Iglesia, ug Iyang ginatabas pagawas ang maong Iglesia! Ug ang nahabilin mao ang nabiyaan nga mopaingon ngadto sa Panahon sa Kasakitan.

269 Ug dinha nangalibog ang daghang mga eskolar sa Biblia karon, nagadahum nga ang Pangasaw-onon moagi sa maong Kasakitan. Usa ka lalaki ang nagsulti kanako, ang ingon, “Wala ko kabalo kung usaon nako sa pagsulti kanimo, Igsoong Branham.” Miingon, “Nakita ko ang Pangasaw-onon nga pasaka sa Langit. ug ang dragon nga nagabuga og tubig gikan sa iyang baba aron sa pagpakiggubat sa Pangasaw-onon. Ug ang usa ka gatus ug kuwarentay-kuwatro ka libo, nga mao ang Pangasaw-onon, atua sa Bukid sa Sinai.”

270 Miingon ko, “Oh, dili. Dili. Dili. Dili. Nalibog gyud ka og ayo. Ang Pangasaw-onon didto na sa Langit.” Ug ang *nahabilin* nga Binhi sa babaye, dili siya . . .dili ang sulondan, ang nahabilin atua pa didto, ug ang pagpanglutos (sa Imperyong Romano) sa dihang ang Katolisismo mahiusa na ug ihiusa nila ang ilang mga gahum uban ang Bantugan nga iglesia.

271 Ania, gibuhat na nila kini mismo. . .Migawas kini sa telebisyon sa miaging gabii. Nga ang iglesiang Methodist naningkamot na sa paghiusa sa Methodist ug Baptist ug ang tanang kaiglesihan ni Cristo nagapaninguha na nga makighiusa sa Katolisismo ug motindog atubangan sa usa na lang ka altar. Unsa ang gisulti sa obispo sa dihang gibista siya sa miaging gabii, didto tungod sa pagka-Komunista? Nagatindog ako niadto, nagalantaw niini sa telebisyon ako mismo. Ang tanan na gyud nga mga pundok nila! Ug sa dihang moabot na kana nga panahon, adunay usa ka paglutos nga motungha. Dayon ang Espiritu Santo mokunsad, ug ang mga Methodist, ug ang mga Baptist, ug ang tanan, magasulti'g ubang mga pinulongan, magadayeg sa Dios, ug magaayo sa mga may sakit ug magapropesiya, ug ang tanang mga ilhanan ug mga katingalahan magapangabot. Pagalalinon ang Pinili, ug ang nahabilin mabiyaaan dinhi nga moagi ngadto sa Panahon sa Kasakitan. Ug sa katapusan sa panahon, sa dihang makita nila kung na unsa ang nagakahitabo, kinahanglan nilang mopaingon ngadto sa pagkamartir.

272 Dayon tan-awa. Moingon ka, “Bueno, karon, Igsoong Branham, buot ba nimong isulti kanako nga adunay magakahitabo nga . . .nga—nga kadtong mga tawo moadto didto sa Paghukom diha sa Maputi nga Trono?” Moadto sila . . . Ang Pangasaw-onon dili gayud pagahukman. Dili gyud, sir. Anaa Siya kang Cristo. Unsaon man nimo sa pagsulod diha

kang Cristo? “Kay pinaagi sa usa ka Espiritu kitang tanan gibautismohan ngadto sa usa ka Lawas.” Husto ba kana?

²⁷³ Karon, tan-awa, tan-awa dinhi. Miingon ang Biblia, “Gipahigayon na ang Paghukom, ug ang mga Basahon gibuklad.” Husto ba kana? Ang mga basahon sa mga makasasala. “Ug ang usa pa ka Basahon gibuklad,” nga mao ang Basahon sa Kinabuhi, ug ang tanang tawo gihukman basi dinha. Husto ba kana? Ug kinsa man ang nagahukom? Si Jesus ug ang mga Balaan. Ang ingon Niya, “Mianhi Siya aron magapang-alagad, Kinsa mao ang atong Tigulang sa mga Adlaw, Kansang buhok sama sa balahibo sa karnero.” Ug miingon, “Napulo ka libo ka napulo ka libo kapilo ang miuban Kaniya, ug nanag-alagad Kaniya diha sa Paghukom.” Ania si Jesus nga nagabalik ingon nga Hari ug uban ang Rayna, pagkahuman sa Kasal, ug minyo na Siya. Ania ang maong Hari ug Rayna nga nagatindog didto. Ug didto nanagtindog kadtong gibalaan nga pundok, miingon ang Dios, “Pagtindog mo sa Akong tuo nga kilid dinhi.” Didto gibuklad ang Basahon, nga para sa mga makasasala, “Didto mo sa Akong wala.” Ania pud kadtong ilang mga ngalan nga nahisulat diha sa Basahon sa Kinabuhi nga iya sa Cordero.

²⁷⁴ Moingon ka, “Igsoong Branham, kung nahisulat ang akong ngalan dinha, makaadto gyud diay ko!” Kadali lang! Si Judas Iscariote gibalaan pud. Whew! Igsoon, pagmata na karon, kusia ang imong kaugalingon, para masabtan mo Kini, nakita n’yo.

²⁷⁵ Si Judas Iscariote, ang iyang espiritu mao ang anticristo karon. Kabalo kamo niana. Si Jesus mao ang Anak sa Dios, nga gikan sa Dios ug mibalik ngadto sa Dios; Si Judas mao ang anak sa kalaglagan, nga miabot gikan sa impiyerno ug mibalik ngadto sa impiyerno. Gidala ni Jesus ang mahinulsulon nga makasasala uban Kaniya; Gidala usab ni Judas ang dili-mahinulsulon uban kaniya, “*Kung* ikaw! Kung! Kung! Kung ikaw usa ka Balaanong magtatambal, buhata *kini*, Kung ikaw mao *Kini*, buhata *kini*.” (Kita n’yo, kanang pagduhaduha nga marka sa Pulong sa Dios.) “Ang mga adlaw sa mga milagro milabay na. Kung ingon man niana, ipakita kanako *kini*. Kung! Kung! Kung!” Kita n’yo?

“Tanan kana’y tinuod,” ang ingon sa Dios.

²⁷⁶ Karon matikdi. Si Judas Iscariote gipamatarung kaniadto pinaagi sa pagtoo, ug mitoo sa Ginoong Jesus Cristo ug nabautismohan. Miingon ang Biblia, “Si Jesus—gibautismohan ni Jesus ang mga tinun-an, ang Iyang mga tinun-an.” Sige.

²⁷⁷ San Juan 17:17, sa wala pa Niya gipadala sila, Miingon Siya, “Balaana sila, Amahan, pinaagi sa Kamatuoran. Ang Imong Pulong mao ang Kamatuoran.” Ug Siya mao ang Pulong, bisan sa wala pa ang pagbayad sa kasal-anan. Sa ubang pagkasulti, “Ingon nga pasiunang-pagpakita, Amahan, sa Akong giula nga Dugo, gibalaan Ko ang mga niini.”

278 Gihatagan Niya sila ug gahum batok sa mahugaw'ng mga espiritu, ug nanaglakaw sila ug nanagpagula sila og mga yawa. Husto ba kana? Ug gipang-ayo nila ang mga may sakit. Husto ba kana? Ug nanagpamalik sila, nga gibalaan, nanagkalipay, nanaglukso-lukso, nanagsiyagit, ug nanagdayeg sa Dios. Husto ba kana? Ug ang ingon, "Bisan ang mga yawa nanagpailalum kanamo."

279 Ug miingon si Jesus, "Ayaw kamo pagkalipay tungod nga ang mga yawa nanagpailalum kaninyo, kondili managkalipay tungod nga ang inyong mga ngalan nahisulat sa Basahon sa Langit." Husto ba kana? Ug si Judas Iscariote kauban nila, usa kanila, tinawag-pagawas, gibalaan, ug ang iyang ngalan nahisulat diha sa Basahon sa Kinabuhi nga iya sa Cordero. Basaha ang Mateo 10 ug susiha kung dili ba kana husto. Gitawag Niya ang matag usa kanila, ug si Judas ug ang matag usa kanila, atua siya mismo didto. Gipadala Niya sila didto, gihatagan sila ug gahum batok sa mahugaw'ng mga espiritu.

280 Karon matikdi! Pangandam mo para niining surpresa. Apan sa dihang si Judas miabot mismo didto sa simbahan, ingon nga tesorero sa simbahan, nga namuhat kauban ang pastor, ang . . . si Jesus. Pero sa dihang panahon na sa Pentecostes, gipakita na niya ang iyang kolor. Gipakita na niya kung unsa gayud siya. Ug uban—uban sa nahabilin pa nga kaligdong kaniya, gipatay niya ang iyang kaugalingon ug naghikog mismo didto sa punoan sa sikomoro, aron matuman ang propesiya. Ug kadtong espiritu ni Judas moanhi mismo karon ug kini nagatoo usab kang Ginoong Jesus Cristo. Sama sa gisulti ni Jesus, "Ang mga yawa nagatoo ug nagapangurog." Moabot siya mismo karon ug magatudlo og pagpabalaan, nga ingon ka putli sa usa ka balaan nga pagkinabuhi kutob sa mahimo niini; apan paghisgotan na ang bautismo sa Espiritu Santo ug ang mga gasa sa Espiritu, ipanghimakak niya Kini! Igapakita niya ang iyang kolor sa matag higayon. Anaa kana nga espiritu nga mo- . . .

281 Ug miingon si Jesus, "Pagbantay kamo!" Mateo 24, usab. "Ang maong duha ka espiritu mamahimong halos magkapareho na gayud hangtud nga malimbongan niini ang mismong Pinili. . ." Husto ba kana? Kon diin gilatag ang maong sulondan . . . Igsoon, mas maayo nga motoo ka sa kinaraan, puno sa Espiritu Santo nga mga magwawali dinhi ug magmatarung sa atubangan sa Dios. Husto kana. Wala magbaton sa dagway sa pagkadiosnon ug ginapanghimakak ang Gahum niini. Amen! Maayo ba ang gibati sa tanan? [Nagaingon ang kongregasyon, "Amen."—Ed.]

When we all get to Heaven,
 What a day of rejoicing that will be!
 When we all see Jesus,
 We'll sing and shout the victory.

When we all get to Heaven,
 What a day of rejoicing that will be!
 When we all see Jesus,
 We'll sing and shout the victory.

²⁸² Alleluyah! Manindog ta sa makadiyut. Pili man ang nahigugma Kaniya sa tibuok n'yong kasingkasing? Ipataas ang inyong kamot, ingna, "Dalaygon ang Ginoo." [Ginasubli sa kongregasyon pagkahuman ni Igsoong Branham—Ed.] "Ginoo, ginatooan ko ang tibuok nga Ebanghelyo. Tabangi ako nga mahimong Imong alagad." Alleluyah! Alleluyah! Gihigugma ba ninyo Siya? ["Amen."] Diha sa Biblia sila . . .

²⁸³ Usa ka babaye ang misulti sa ako usa . . . usa ka lalaki, mahimong nagapaminaw siya karong gabhiona, nagpuyo siya tabok lang sa dalan. Misaka siya didto. Ug si Igsoong babayeng Lula nga nag-anhian na dinhi sa iglesia, nagasinggit siya didto sa luyo. Kamulo ako niadto nga nagawali, Igsoong Neville. Ug kadtong lalaki misulti sa ako . . . Bueno, usa siya ka magtutudlo sa Sunday school dinhi sa iglesiang First Baptist. Ang ingon niya, "Billy, nalipay ako sa imong wali hangtud nga kanang babaye misugod sa paghilak ug pagsiyagit, 'Salamat, Jesus! Dalaygon ang Ginoo!' Ug matag karon og unya" ingon pa "usa ka tawo ang mosulti," (si Igsoong Seward) "mosiyagit, 'Dalaygon ang Ginoo! Amen!'" Ug nagawali ako niadto mahitungod sa *Ang Pagpawala sa Imong Pagkapanganay*, nga gibaligya ni Esau ang iyang Pagkapanganay. Ug nagpadayon ako niadto, ug nanagsiyagit sila, nga sige-sige. Ug ang ingon, "Ooooh," miingon, "nagapakurog gyud kana og—og bugnaw kanako." Miingon, "Dili ko kana maagwanta!"

²⁸⁴ Ingon ako, "Igsoon, kung makaadto ka sa Langit mamatay ka gayud didto sa pangurog." Miingon ako, "Siguradong aduna gyu'y mga pagsinggit didto sa Langit, sa adlaw ug gabii." Ug husto kana, igsoon. Oh, oo, sir!

Oh, I want to see Him, look upon His face,
 There to sing forever of His saving grace;
 On the streets of Glory let me lift my voice;
 Cares all past, home at last, ever to rejoice.

Oh, I want to see Him, look upon His face,
 There to sing forever of His saving grace;
 On the streets of Glory let me lift my voice;
 Cares all past, home at last, ever to rejoice.

²⁸⁵ Amen! Sige, Igsoong Neville. Ang Ginoo magapanalangin kanimo. Saka ngari ug imoha na kini, kita n'yo.



MGA PANGUTANA UG MGA TUBAG MAHITUNGOD SA GENESIS CEB53-0729
(Questions and Answers on Genesis)

SERYE MAHITUNGOD SA PAMATASAN, KAHAN-AYAN UG DOKTRINA SA IGLESIA

Kining Mensahe ni Igsoong William Marrion Branham, una giwali sa Ingles niadtong Miyerkules sa gabii, Hulyo 29, 1953, didto sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org